



Review&Herald®
PUBLISHING ASSOCIATION

TE ATUA MOA 2021

WAREWARE IAON
KABWI AO KAREA



GOD FIRST
ADVENTIST STEWARDSHIP MINISTRIES

2021 WAREWARE IAON TE KABWI MA TE KAREA TE ATUA MOA

Copyright© 2021 by the General Conference Corporation of Seventh-day Adventists® All rights reserved

Published by Review and Herald® Publishing Association

God First is the 2021 "Tithe & Offerings Readings" booklet prepared by of the General

Conference Stewardship Ministries Department, 12501 Old Columbia Pike, Silver Spring, MD 20904, USA.
stewardship.adventist.org

Koreaki iroun: Sam Neves

Rinanoaki iroun: Nathan Brown

Tamnei: Getty Images

Layout and Design: Johnetta B. Flomo

Photos: Wesley Tolhurst, iStock GoodSalt, GettyImages

Division Collaborators:

William Bagambe, ECD

Oleg Kharlamov, ESD

Ioan Câmpian Tatar, EUD

Roberto Herrera, IAD

Kwon Johnghaeng, NSD

Michael Harpe, NAD

Josanan Alves, Jr., SAD

Mundia Liwalii, SID

Christina Hawkins, SPD

Noldy Sakul, SSD

Zohruaia Renthlei, SUD

Paul Lockham, TED

Jallah S. Karbah, Sr., WAD

Kheir Boutros, MENA

Julio Mendez, IF

Andy Chen, CHUM

E anaaki te wareware man te New King James Version® ti ngkana iai ae taekinaki. Copyright © 1982 iroun Thomas Nelson. Used by permission. All rights reserved. A anaaki tamnei man GettyImages.com ma ti kanoan te kateniua ni kuata ae anaaki man te Adventist Research Library and media centre.

TE KARIAIA: E kona n rairaki te boki aei, ni boretiaki, ke ni kaobiaki irouia ana botaki te Ekaretia ni Kaitibong

Ni kabane "n arona ae ngkai" ao n akea riki kainnanoan karekean te kariaia. Kanoan te boki ake a manga moani boretiaki, a riai n anga te taeka ni kakoaua te tia b'aib'ai iai: Stewardship Ministries of the Seventh-day Adventist Church.

TE ATUA MOA

2021 WAREWARE IAON KABWI AO KAREA



**SIGNS
PUBLISHING®**
Established 1885



Review & Herald®
PUBLISHING ASSOCIATION



KANOANA

Moan Taeka	3
Birim n Reirei i aon te Angakarea—Te Boki ni Kairi	4
Tera te Berita?	8
Te Babaire ibukin te Karea ae Ikotaki	10
Moani Kuata—Aomata n te Baibara aika a karimoa te Atua	11
Kauoua ni Kuata—Aomata n te Baibara aika rawa ni karimoa te Atua	27
Kateniua ni Kuata—Taani Manga Kaeti, Taan moani katea te ekaretia, ao mitinare, aika rineia b'a a na karimoa te Atua	45
Kaaua ni Kuata—Aomata n te Bong aei aika rineia b'a a na karimoa te Atua	61
Taekan te Tia korea te Boki	77
Rinanin kanoan te Wareware	78



MOANTAEKA

E moanaki te ririki ae boou b'a te b'aintangira mairoun te Atua, are E ata mwiina ae na reke b'a tera? Bon tiaki ti irengan te manennanti ma te rinerine, ma te b'ai are riki iai e kona n rootaki man butim'aean tuua aika eti inanoni maiura. Ao teuana i buakon baika moan kakawaki bon te tua iaon Karimoaan te Atua.

Ao bon inanon katukan te koaua aio i nanora are ti na ira nako iai Sam Neves i nanon te m'ananga ni kukune n 2021, n nenera te b'ai ae ti kona n reiakinna man te tai are e a tia n nako ao aomata aika ngkai ake a na buokiira b'a ti na kona ni karimoa te Atua. I rarikin nakoana ae ngkai ae te Kauoman Taairekita n te Botaki ibukin Itoman n te Tienera Kaonburenti, Sam, ae te Mitinare ngaia n te aro ni Kaitibong, iai naba nanona ae batibukin te M'akuri n Touati, are e atai ana koaua aika kakawaki man ana taratara te boki ae te Great Controversy (nora rongorongan rikina n iteraniba 77).

Ao I kakoaua ae bon tiaki te manennanti ae ko a moanna naba ngkai ni wareka te boki n reirei aei. E kona n iai Ana babaire te Uea ni kani kakab'aiako man kairakim b'a ko na kam'akura te tua iaon Karimoaan te Atua i nanon boong aika 365 n tatabeua nako. Ma ngkana te tia kairiiri ngkoe n te ekaretia, ao ko butim'aeaki naba b'a ko na karababa nako te kakab'aiia aio nakoia kaain am ekaretia ni kabane!

Man reiakinaia aomata n taai nako kanoan reirei aika 52, i nanon te taeka ke te tamnei, n rimwiaki ma te wewete ni kakaewenako ae kimototo ma te tataro, i m'aain te riko-karea, ao ko a kona ni buokanib'ai ma te Atua i nanon te mwioko ae tabu ibukin buokaia aomata aika batib'a a na Karimoa te Atua, ao ni biti maiuia nakon te maiu are aki toki!

Te kakaitau ae okoro nakon Christina Hawkins man te South Pacific Division ao Nathan Brown man te Signs Publishing Association, b'a man aia m'akuri ni kaetieti ae kororaoi, ao a kona n otinako reirei aikai.

I tataro b'a E na kabongana te boki aei te Uea ni kairiia aomata tiaki ti ngkoe ma raom inanon am ekaretia b'a a na Karimoa te Atua i nanon 2021 ao i nanoni maiuia ni kabane! Karimoaan te Atua bon te rinerine ae iai mwiina ae koaua. Ao ko kona n rinea ngkai!


Marcos Faiock Bomfim
GC Stewardship Ministries Director


BIRIM IAON KABWI AO KAREA

TE BOKI NI KAIRI AE BEBETE

Ko kona ni kaota ke ni karuoi birim aika uoua minitiia (teuana ibukin Taabati aika 52) man kabonganaan te QR code ae i nano. Aikai kaetieti iaon aroni kabonganakia:


- A na kaotaki birim aikai i nanon te tabo n taromauri i m'aain rikoan te karea.
- Akea inanoni birim aikai te wewete n anainano ke te kabanea n tataro, b'a e boni kantaningaaki teuare/neiere e katanoata te karea aio b'a e na boni karaoia.
- Birim aikai a kona (ao n riai) naba ni kaotaki i nanon te social media ke i nanon tain bobotaki aika bubura n te rororrikirake, botaki ni camping, bowin baaba n tararua n ekaretia nako, Wiiki n tataro n te Stewardship, ao tabeua riki.
- A raweaki birim aikai n te taetae n Imatang, ma anganaki te kariaia division ke union b'a a na rairia nakon taetaen abαι aika kakaokoro ao n taekinna n aron are bon tangin aia taetaenikawai.
- Bon te birim ae b'anin ma katangtangina—akea b'anaan te aomata/akea te koroboki—e tauraoi nakon ane tangiria, man divisions ao unions n akea boona.
- Mitinare n ekaretia ao Stewardship Ministries directors a riai ni kaongoaki taekan birim aikai ao aron karoana man te intanete ao kaotakina i nanon aia ekaretia, riki im'aain te riko karea.
- Ko kona ni matakaukin birim aikai man te toma aei: <https://stewardship.adventist.org/devotional-videos>





“Ma iaoni b’aa ni kabane,
karimoa Ana m’akuri te
Atua moa ao karaoa are E
tangiria. Ao b’aa ni kabane
a na riki b’a am b’ai.”


MATAIO 6:33
TE RAIRAI N IMATANG AE BOOU

The background of the entire page is a photograph of a sunset over the ocean. The sky is filled with warm orange, red, and yellow hues, with darker clouds on the horizon. In the upper left and right corners, the silhouettes of palm trees and their fronds are visible against the bright sky.

“Ti tangiria b'a E
tangiriira moa.”

1 IOANE 4:19
TE RAIRAI NI KING JAMES AE BOOU





Karuoa te boki aei man te intanete: Tera te Berita? Atai tuua bukin rikin b'aai, tib'atib'akina, ao moanib'aiana.

<https://stewardship.adventist.org/promise-offerings>

I'MAAIN WAREKAN TE BOKI AEI, AO KO RIAI N ATAIA:

TERA TE BERITA?

- Bon te taeka ae kabonganaaki ibukin te karea ae aki toki ni **kakab'akaaki** (regular) ao n **baireaki raoi** (systematic) (e kaokoro ma te karea ae e anga te aomata mai nanona), ae noraki b'a,
 - te anganga n taai nako e ataaki man m'aitin are e kakarekeaki (te m'anee are reke).
 - te babaire aio e baireaki nakon te m'aiti (e boto iaon te m'aiti are baireaki).
- Te anganga n taai nako, te m'aiti are baireaki ao te tai are b'ainaki iai e riai ni kaman "motinnanoaki" "beritaaki", ke ni "katauaki" iroun te tia taromauri (2 I-Korinto 9:7).
- E anga b'a te betienteti ke te m'aiti ae baireaki man te m'anee are reke (1 I-Korinto 16:1; Tua Kaua 16:17).
- Te tia taromauri e rinea te m'aiti ni m'anee ae na anganga n taai nako b'a te "Berita" (e butim'aeaki te m'aiti ae beritaaki).
- E ataaki b'a e rang kakawaki ao e riai ni karoaki n ai aron te kabwi (Maraki 3:8-10).
- E na anga te aba man are reke (Taikan Rabakau 3:9).
- E aki kantanningaaki ngkana akea te karekem'ane (2 I-Korinto 8:12).
- E anga te tia taromauri ni waekoa imwiin te kabwi, ao i m'aain kabanem'ane riki ake tabeua (Taikan Rabakau 3:9; Mataio 6:33).

TEUTANA RIKI:

Inanoni Maraki 3:8-10, kabwi ma karea a kaai ni karinaki iaan te babaire ae ti teuana. Aio e kaoti aron te anga kabwi ao karea aika teniuia: (1) Anganga n taai nako (n ai aron reken te m'ane), (2) Baireaki m'aitina (m'akoron te m'ane are reke), ao (3) Nikirakina (uotakina nako nanon te auti ni kaikob'ai).

E boraoi naba ma aio Nei Ellen G. White ae a mena te kabwi ma karea iaan te babaire ae ti teuana. E taku b'a te babaire e karina naba te koaua iaon te angakarea b'a m'akoron te m'ane are reke: "Inanon ana babaire te Baibara [te taeka ae ti teuana] ibukin kabwi ao karea [iaan te babaire ae ti teuana] te m'aiti are kab'akaaki irouia aomata aika kakaokoro, a na boni kakaokoro, ngkai a baireaki nakon m'aitin te m'ane are reke."—*Counsels on Stewardship*, p. 73 (italics provided).

Inanon te katei-boo riki teuana, e a roko n te tai are e kangai b'a te karea aio n ikotaki ma te kabwi, e riai n aki atongaki b'a e bon nakon te nano, b'a bon iteran "mwiokoara." Te koaua aio e bon airi raoi ma Maraki 3:8-10, are kaota te kantaninga ae te Atua E arana te waaki n aki karokoan te karea b'a te aki kokoaua. Aio te taeka: "Te koaua iaon te anganga e bon aki nakon te namakin. E a tia te Atua n anganiira te babaire ae matoa ni kaeineti nako iai. E a tia ni katereterea ae te kabwi ao te karea boni b'aaai aika a bairei aron mwiokoara. Ao E kantaningaira b'a ti na anganga n taai nako ao n reitia nako."—*Counsels on Stewardship*, p. 80.

KABOTAUAN TE KABWI, TE BERITA, AO TE KAREA ARE BON NANOM

ARON / TE KAREA	KABWI	BERITA	KAREA ARE BON NANOM
Taai nako	Ataaki n te karekem'ane	Ataaki n te karekem'ane	Burenib'ai
Babaire	Katauaki nakon te	Katauaki nakon te	E nakon ana namakin te nano
Kabaeaki	Ni kabane maium	Ni kabane maium	Anga (ngkana e kaumakaki i Roun te Tamnei)
Katebubua	Kaman baireaki (10%)	Rineaki iroun te tia taromauri (<u> </u> %)	N/A
Kona ni kaetaki te m'aiti	Eng	Eng	N/A
Nikiraki n te	Auti ni kaikob'ai	Auti ni kaikob'ai	Te tabo ae rineia te tia taromauri
Ake reke irouia	Mition, Union ao SPD	Mition, Union ao SPD	E rineia te tia taromauri


TE BABAIRE IAON KAREA AIKA IKOTAKI

“E na angab’ai te aomata n ai aron are e karekea nanona iai; n aki rawawata, ao tiaki n ae tebonaki b’a e na anga: b’a te Atua E tangira te aomata ae e waerake nanona ni kan angab’ai.” (2 I-Korinto 9:7)


Iai babaire aika teniua aika boni kaokoro i bukin te karea i nanon te Ekaretia ni Kaitibong n te aonnaba.

Te **BABAIRE IBUKIN KAREA AIKA IKOTAKI** e rineaki i roun te Kauntira are n 2002 i mwiin tabekan taekana i roun te World Stewardship Summit 2001.

E boutokai m’akoron nako te Ekaretia man ikotakin m’aane ni kabane i nanon te abein ae ti teuana.



A tib’atib’aaiki m’aane ni kaeineti nakon te babaire are a kariaia tewition n tatabeua nako, ma a karaoaki i nanon te tib’atib’aaei: 50 te katebubua i bukin te ekaretia; 20 te katebubua e nakon te Tienera Kaonburenti i bukin m’anen mition, 10 te katebubua i bukin te union ao 20 te katebubua i bukin karababaan ana m’akuri te mition n te aono are e m’akuri iai. Tewition aika a kabongana te babaire aei bon: ECD, ESD, IAD, NSD, SAD, SID, SPD (Island Fields), SSD, SUD, WAD.



MOAN KUATA

AOMATA N TE B'AIB'ARA
AIKA KARIMOA
TE ATUA

1



Tianuare 2, 2021

NGKE E KARIMOA TE ATUA IESU

E kona ni kanganga karimoan te Atua. Tera te b'ai ae ti kona n reiakinna mairoun lesu ae na buokiira b'a ti na karimoa te Atua i nanoni maiura n te bong aei? Ni moanakin te ririki ae boou, ao iai te kantanninga b'a e na raioroi riki nakon te ririki are mai i m'aaina. E kakukurei iangoan te b'ai ae boou. Ngke ai 30 Ana ririki ni maiu lesu, ao E a moana naba Maiuna ae boou. Imwiin are E b'abettoaki inanon te karaanga are loretan, ao e a moa naba mai iai Ana m'akuri. Ma e rang kamimi te b'ai are riki imwiina—ao e na buokiira inanon te ririki ae boou aei ae 2021. E taku Mataio 4:1: "Ao E kairaki rake lesu iroun te Tamnei nakon te rereua b'a E na kaririaki iroun te riaboro." E aki kamimi anne? B'a mai mwiin te ne n aroka are i Eten, ao e a tia Taatan n tataninga te tai are e na kataia iai ni m'am'ana lesu, n ai aron are e karaoia nakon Atam ao Ewa. Ngke arona b'a e kona Taatan ni kaira lesu b'a E na karimoa boni Ngaia, ao E a tia ni konaaki n te buaka. Ma ngaia are e moana ana waaki Taatan ma te am'arake. Eng, te am'arake. Iraua te nga te ririki, ao e a tia te kairiribai n noora are a na karaoia aomata ibukin katokan bakiia. E koroboki Mataio: "Ao E aki mamatam angaun te ngaina ao angaun te bong, ao rimwi E baki." Tiaki n ae e rang ota anne? Mataio e taekina te b'ai ae rang n ota ibukina b'a e tangiriira b'a ti na ataia ae lesu bon te aomata raoi ni koaua ao, ma ngaia are E rootaki naba n te baki.

Ma ngaia are te moani kariri i bukin lesu bon te

nanououa n Rikina ao ni karimoa Bakina. Ane ko na kaririaki inanon te ririki aei b'a ko na karimoa are kainnanoia rab'atam. E a tia ni weteiko te Atua b'a Natina, ma ni katoa te tai ae uarereke, ao ane ko na rineia b'a antai ae na moanib'ai—te Atua ke are kainnanoia rab'atam. lesu E karimoa te Atua.

Ao e kairia te riaboro nakon te kaawa ae tabu, ao e katoka i aon taubukini m'aneaban te Atua. E a kaririaki ngkai lesu, inanon kibun te B'aib'ara, b'a e Ana nora Ana kakaonimaki. Te kauoua ni kariri boni karimoan Ana namakin. Are nanona b'a, Ko na kakoaua Ana taeka te Atua? Ke ko na kainnanoa n taai nako te kakoaua ae kona n noraki iaon na tangira te Atua i bukim? E motikia lesu b'a E Ana karimoa te Atua. Te kabane, b'a te riaboro e taekina boton Ana m'akuri lesu ae E roko b'a E na kakoroa nanona—ao e anganna naba te kawai ae uarereke. Te kateniua ni kariri bon anaakin kawai aika uarereke ao n aki karimoa te Atua. Aio te moan tai inanon 2021 ae a na rikoaki kabwi ma karea. lesu E karimoa te Atua. Ana katoto e kaungaira b'a ti na karaoa naba ae aron anne. Ngkai a rikoa te kabwi ma karea riikan, ti kaewenakoaki b'a ti na karimoa te Atua.

Tamara are i Karawa, ti taromauriiko n te ingabong aei n ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, Amen.



2

Tianuare 9, 2021

NGKE E KARIMOAA TE ATUA ABERAAM

E boni kanganga karimoaa te Atua. Tera te b'ai ae ti kona n reiakinna mairoun Aberaam ae na buokiira b'a ti na karimoaa te Atua inanoni maiura n te bong aei? 80 ana ririki Aberam ngke e kitana abana ae kaub'ai ni m'ananga inanon te rereua. E weteia te Atua ao Aberam e karimoaa te Atua. Ma, tabeua te ririki imwiina, ao e a moanna naba ni kewe Aberam ibukin karekean maiuna. E aera Aberam ngke e a ti maku naba ao e aki karimoaa naba onimakinan te Atua? E bon ririki anne. Iai te tai inanoni maium ae ko kona ni katikui b'aa ni kabane ibukin irakin lesu? A m'aiti ibuakora ae ti a tia ni karaoa anne inanon taai aika bat. Ma n te tai are e waaki nako te tai, ao ara kakaonimaki e a moanna naba n manennanti. E riki anne ao ti a moana naba ni karika te Atua b'a te kauoua ni b'ai ke e a buakaka riki. Tabeman ibuakora ti un ma te Atua ibukina b'a maiura aki roko n are ti kantaninga. A tia n reke iroum b'aa ni kabane ake ko iangoi n te ririki are nako? Tao aki. Moan te aki kanganga te b'aka rikaaki inanon oin nanora ma makura. Iai te ninikoria iroun Aberam ni kaewenakoa te Atua ao n tangira Ana berita b'a E na kakoroi bukia. Ao e beritaaki nakon Aberam te aba ao kanoana ae bat. E ngae n anne, n Karikanib'ai 15, Aberam e kaewenakoa te Atua: "lehova ae te Atua, tera ae Ko na anganai, ngkai Ko norai b'a akea natiu, ao te tia tararua au auti bon Erietera ae te I-Tamateko?"

N tabetai ti tangira te maroro ni koaua ma te Atua.

Tai reita nako am kainab'aabu ngkana iai b'aa tabeua ae ko kona n taekin nakon Tamam are i Karawa. Ko un? Ao tuangnga. Ko namakina te maroa ngke E taku b'a E na mena iroum? Kaewenakoa n ai aron are e karaioia Aberam.

Ma ngaia are E tuanga Aberam te Atua b'a e na otinako nako tinanikun um'ana. Taraan ae titebo b'a E a kaira Aberam te Atua man ana ataib'ai ae reme nakon Ana ataib'ai ae koaua. E taku te Atua nakon Aberam, "E aki tau um'am ibukin te b'ai ae I kona ni karaioia." Te Atua E kaurunga Aberam ae te Atua bon te Atua, ao tiaki te Atua Aberam.

E riki aei ibukina b'a Aberam e karimoaa te Atua n te aro are e a bitaki naba arana nakon Aberaam. Ao ana moan kantaninga b'a e na kakaonimaki e a kairia naba nakon katean te moan kibu n te Baibara iaon te kabwianib'ai.

Aberaam e karimoaa te Atua. Ao te banna ni katoto are karaioia, e kaungaira naba b'a ti na katotongnga. Ngkai a rikoa te kabwi ma te karea riikan, ti kaewenakoaki b'a ti na karimoaa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanoni maiura. N Aran lesu, amen.

3

Tianuare 16, 2021

NGKE E KARIMOA TE ATUA MOOTE

E kona ni kanganga karimoan te Atua. Tera ae ti na reiakinna mairoun Moote ae na buokiira b'a ti na karimoa te Atua inanoni maiura n te bong aei?

Moote e kataia ni kamaiuia aomata n oin korakorana. Ma e aki m'akuri anne. Ni koauana, ao e kakionakoaki mai Aikubita ao a bane ni mate naba miina. Irabwi te ririki imwiina inanoni m'akurina b'a te tia kawakin tiibu n te rereua,

iai te b'ai ae kamimi ae riki nakon Moote. E weteia te Atua b'a e na manga kamaiua miina ngke e ataeinim'aane—b'a e na kainaomata Iteraera man te tauroronaki.

Ma e tuai tauraoi Moote. E aki kona n taetae raoi ae e tuku b'a e a rang ni kara ibukin kaitaraan B'arao. Ao e boni koaua ana taeka anne. Ma iroun Moote, ao karimoan te Atua nanona bon te aki kakoaua are bon oin korakorana ao ana atai'b'ai. Nanona b'a e na anga maiuna ni kabanea nako Nanon Bain te Atua ao ni butim'aea te wewete ae kabotoaki iaon M'aakan te Atua, tiaki n ana aki konab'ai. Aio te Otinako Exodus 4:10-12:

"Ao e tuku Moote nakon lehova, "Te Uea, I aki rabakau taetae rimoa, ao imwiin naba Am taeka nakon Am toro; b'a I wiiremwe, ao e iremwwe naba neweu.'

Ao E tuku lehova nakolina, "Antai ae karaoa wiin te aomata? Ao antai ae karaoa te aomata b'a e na bae newena, man taningabono, ma n noraba, ma ni matak? Tiaki boni Ngai ae lehova? Ma ngaia ae ko na nako ngkai, ao N na mena I wiim, ma n reireiko am taeka."

Ibukina b'a e karimoa te Atua Moote, ao e kamaiuaki ana botannaomata ae b'anin man te tauroronaki. E bon aki kororaoi Moote n ai arora. Ma n ai aron te Atua ngkai E weteia Moote, ao E boni weweteira naba b'a ti na karimoa inanoni maiura. Iai tabera n tatabemaniira ae kona ni koro nanona man karimoan te Atua. E ngae ngke e kanganga, ma E na buokiira te Tamnei are Raoiroi n te korakora b'a ti na karaopia.

Moote e karimoa te Atua. Ana banna ni katoto e kaungaira b'a ti na katotongnga. Ngkai a rikoa te kabwi ma te karea riikan, ao ti kaewenakoaki b'a ti na karimoa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanoni maiura. Inanon Aran lesu, amen.



4

Tianuare 23, 2021

NGKE E KARIMOA TE ATUA IOTUA

E kona ni kanganga karimoaan te Atua. Tera ae ti kona n reiakinna mairoun lotua ae na buokira b'a ti na karimoa te Atua inanoni maiura n te bong aei?

E a tia n riki b'a te toro lotua i Aikubita. E rang n ata kammarakin ma kaikoakin aia kai ni kataere l-Aikubita. Ao n te bong teuana, ao e rinnako naba te unim'aane inanon ana baereti B'arao ao n tuangnga b'a e na kaotinakoia Iteraera. E noori antin Aikubita lotua ngke a kamangoraki iroun lehova, are bon te Atua ni koaua. I mwiina riki, ao e nakonako inanon taari ae m'au iaoni kawaina nakon te inaomata.

E riki lotua b'a ana reirei Moote imwiin aei, ao e bon iria naba nako boton te Maunga are Tinai ngke e anganaki tuua. Teutana te tai imwiina, ao e rineaki lotua man ana baronga b'a e na tei ibukia b'a te tib'aai ao n rinnako n te aba are E a tia beritaia te Atua. E kona n ae e maku ao ni kukurei.

Raona ni m'ananga bon 11 riki tib'aai, ao lotua e nora te aba ae tamaroa are a nang abanna. E ngae n anne, ao e na noria ae te tai n ninikoria aei e a manga bon riki b'a te b'ai ni kauntaeka ma raona n tib'aai.

Tengaun tib'aai aika nora te b'ai are e bon noria naba lotua, ma aki boraoi ma ana ribooti lotua. B'a a taku b'a a na bora ni mate irouia l-Kanaan.

lotua e tangiria ni karimoa Ana berita te Atua ni kaitaraia raona akekei.

N tokin te tai ao e rineaki lotua b'a e na kairia aomatan Iteraera nakon te aba ni berita, 40 te ririki imwiin aei. Bon tiaki te m'akuri ae bebete irouna, ma E bon rang koaua raoi lotua b'a ngkana e karimoa te Atua, ao bon akea te b'ai ae na riki. Aio te b'ai ae taekinna lotua nakoia aomatan Iteraera n aron are koreaki n lotua 24:15:

"Ao ngkana tao tiaki te b'ai ae riai i matami te toro i Roun lehova, ao n te bong aei kam na rinea ae kam na toro i rouna; b'a tao anti ake a toro ami bakatibu irouia i mainikun te Karaanga arei, ke antiia l-Amorate, aika kam maeka i abaia: ao ngai ma kaini batau, ti na toro iroun lehova."

lotua e karimoa te Atua ao te Atua E aki toki n raoraona. Ana banna ni katoto e kaungaira b'a ti na katotongnga. Ngkai a waaki riikan n rikoa te kabwi ma te karea, ti kaewenakoaki b'a ti na karimoa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanon maiura. Inanon Aran lesu, amen.



5

Tianuare 30, 2021

NGKE E KARIMOAA TE ATUA NEI RUTA

E kona ni kanganga karimoaan te Atua. Tera ae ti kona n reiakinna mairoun Nei Ruta ae na buokiira b'a ti na karimoaa te Atua inanoni maiura n te bong aei? Ruta bon tiaki te Iteraera ngke e bungiaki. E rikirake b'a te I-Moaba ao e bae n tataromauriia Kemoti, ae antiia I-Moaba ae te ika. Kemoti e ataaki naba b'a te "tia urubekebeke". Inanon te Kauoua n Uea 3:27, ti nora uean Moaba b'a e kareana natina te m'aane ae te tia onea mwiina b'a te karea ae te rara nakon Kemoti. Ma ni kaitaraan aei, ao tinan buun Nei Ruta ae Naomi, e taetaekina lehova, ae Atuaia Iteraera ae tatangira, are E kamaiuia Ana aomata man te tautoronaki ao ni weteia b'a a na itangitangiri ao n i karinerine imarenaia. Taraan ae e a kaman tataromauriia lehova Nei Ruta n te tai ae maan im'aain te kanganga are riki.

Inanon te rongorongo ae kananokawaki, ao e mate buun Nei Naomi ao natina m'aane aika uoman inanon ti tebwina te ririki.

Ao a rotaki n te rawawata buuia natina aine aika, Nei Ruta ao Nei Obera. Ma a kaman rinanon te kanganga naba ngke a boni maiu buuia, ma ai aron ae e turabuiaiki riki n te kanganga n te tai aei. Ao akea b'a e motikia Nei Naomi b'a e nang okira Iteraera ao ni kaokia buuia natina aine aikai nakoia aia utu. E kukurei Nei Obera n okiria ana utu. Ma Nei

Ruta n iterana are teuana, e rawa n okiria ana koraki. E ngae naba inanon te kanganga ae taonaki iai, e aki bukina te Atua ibukin te b'ai are riki. Ma e karimoaa te Atua inanoni maiuna ao e imanono b'a e na ira Naomi ao n reita nako taromaurian lehova. Aikai ana taeka Ruta, n aron are koreaki inanon Ruta 1:16:

"Ko na tai butiai b'a N na kitanki, man rikaaki man irakim n rimwiim: b'a ike ko nako iai, ao I a nako iai; ao ike ko wene iai, ao I a wene iai: am koraki au koraki, ao Atuam Atua."

E kona ni matoa te maiu iroum n te tai aei. Karimoaa te Atua e aki kangai b'a e na akea te kanganga ni maiura, ma e nanonna ae na reke te rau iroura ao te kamaiuaki. Ruta e kunea te kainnaba ae tatangira ao e reitia Ana aomata te Atua. Ni koauana, ao e reke rinen Ruta b'a e riki b'a ana bakatibu lesu, ae ana Tia Kamaiu te aonnaba.

Ruta e karimoaa te Atua. Ao ana banna ni katoto e kaungaira b'a ti na katotongnga. Ngkai a waaki riikan n rikoa te kabwi ma te karea, ti kaewenakoaki b'a ti na karimoaa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanon maiura. Inanon Aran lesu, amen.



6

Beberuare 6, 2021

NGKE E KARIMOAA TE ATUA NEI AANA

E kona ni kanganga karimoaan te Atua. Tera ae ti kona n reiakinna mairoun Nei Aana ae na buokiira b'a ti na karimoaa te Atua inanoni maiura n te bong aei? E nora te kakai ae kamimi ni maiuna Nei Aana. Te Atua E kaeka ana tataro ao n anganna natina te m'aane. E na bon rang kukurei ngke e ataia b'a e a bikoukou. Tabeuia te nam'akaina mai i m'aaina, ao e rin n te tembora i lerutarem ao e kauka nanona nakon te Atua, ao n taetae n tuea b'a ngkana E anganna natina te Atua ae te m'aane, ao e na anga b'a e na toro iroun te Atua. Ngkai ai te tina ngaia, ao e a rang bitaki naba maiuna. E arana natina te m'aane b'a Tamuera, ae nanona "e ongo te Atua irouna". Ti kona n iangoa Nei Aana b'a e tekateka ma Tamuera ao n reireinna taekan te Atua inanon kakarakinan rongorongo ake ngkoe. Tamuera bon te kakai ao e tangiria Aana ma nanona ni kabane. Ma e a kaan roko te tai ae nang riai ni kaira Tamuera nakon te tembora b'a e na toro iroun te Atua, n ai aron are e a tia ni berita. E boni ngae ngke E a tia te Atua n anganna natina riki aika bat, ma Tamuera bon ana moan nati. Ao anganakin te Atua ngke e bon rang uarereke naba, bon te b'ai ae matoatoa. E matoatoa karimoaan te Atua. Ma aikai ana taeka Aana, n aron ae koreaki n 1 Tamuera 2:1, 2:

"E kakatonga nanou inanon lehova;

E karietataki korou inanon lehova; E karababaki wiiu iaoia au kairiribai, B'a kioina ngkai l kim'areirei n arom ni kamaiu. Akea temanna ae raoiroi n ai aron lehova; B'a akea temanna n ai arom; Ao akea naba te b'aa ae rietata, ae ai aron Atuara."

E riki Tamuera b'a temanna te burabeti ae kakannato i nanon rongorongoa Iteraera. Bon Ana aomata te Atua are e kabira te uea are Tauro ao te uea naba are Tawita. E bon aki kona n riki aei ngke arona b'a e rawa tinana ni karimoaa te Atua. Ngkana te karo ngkoe, ko a tia n iangoia b'a tera mwiin karimoaan te Atua ae na riki nakoia natim? E kanganga ataakin te b'ai ae na riki nakon te aonnaba are a na uotia natira n te tai are a ikawai rake iai ao n nora karimoaan te Atua irouia aia karo. E karimoaa te Atua Nei Aana. Ao ana banna ni katoto e kaungaira b'a ti na katotongnga. Ngkai a waaki riikan n rikoa te kabwi ma te karea, ti kaewenakoaki b'a ti na karimoaa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanoni maiura. Inanon Aran Iesu, amen.



7

Beberuare 13, 2021

NGKE E KARIMOAA TE ATUA TAWITA

E kona ni kanganga karimoan te Atua. Tera ae ti kona n reiakinna mairoun Tawita ae na buokiira b'a ti na karimoa te Atua inanoni maiura n te bong aei?

E ururingaki te uea ae Tawita b'a te atuuna-te-karaki inanon rongorongoia Iteraera. Te tai ae moa ni kakawaki inanoni maiuna bon ngke e butim'aea te wewete b'a e na karimoa te Atua. Ngke a ruru ni maku raona n Iteraera iroun te aintoa ma ana tinaraa, ao Tawita e karimoa te Atua nakon maiuna. Ao anaakin atiibu tabeua irouna ni kaitara Koria inanon aran lehova e tara n nanobaba irouia aomata. Ma Tawita e karimoa te Atua ao te Atua, E kamaiaua inanon ana buaka. Imwiina riki inanon te rongorongo, ao e a tia ni kabiraki Tawita b'a te uea, ao e kona te aintoa, e a tia ni m'akuri inanon te baereti ao e a tia naba n iein ma natin te uea te aine. E na kona n riai te iango ae e waaki maiuna man te neboaki teuana nakon teuana imwiin aio. Ma e bon aki. B'a e karawawataaki iroun te uea are Tauro kanga te tia ioawa ae te kabanea ni kakamaku iaon Iteraera, ao Iteraera ni kabane ake a nora Koria b'a e b'aka ni mate iaontano, a uaraia ngkai Tawita b'a a na taua Tawita e aoria b'a e mate ke e maiu. E ngae n anne, e ngae ngke e tara ni kab'aranano iroun Tawita b'a titebo b'a E a kitanna te Atua, ma Tawita e karimoa te Atua. Ngke e rinnako n te kaemb'a are e matu iai te uea are Tauro, ao e kona n tia n tiringa te uea ae buakaka aei ao n ruamwiina. Ma e aki. B'a te

Atua E aki kariaia

te kabomwi n te aro aei, ma ngaia are e karimoa te Atua Tawita ao e a manga birinako ni karababara.

Tiaki nanona b'a e a boni kakarimoa naba te Atua Tawita. Ana wenenibure ma Nei B'ateteb'a ao tiringan buuna bon katoto iaon ana bure Tawita are e karaoaia ngke e karimoa nanona boni ngaia. Ma n tokin te tai, ao e butim'aea mwiin ana bure Tawita, ao e raira nanona ao ni manga moani karimoa te Atua. N tokin maiuna, ao e aki kona ni kariaia ae na tamaroa riki ana auti nakon Ana auti te Atua. Ao e tuea b'a e na karaoi b'aa ni kabane ake e konai e aonga n tamaroa riki um'an te Atua nakon ana baereti. E karimoa te Atua Tawita. Ao ana banna ni katoto e kaungaira b'a ti na katotongnga. Ngkai a waaki riikan n rikoa te kabwi ma te karea, ti kaewenakoaki b'a ti na karimoa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanon maiura. Inanon Aran Iesu, amen.



8

Beberuare 20, 2021

NGKE A KARIMOA TE ATUA TANIERA MA RAORAONA

E kona ni kanganga karimoaan te Atua. Tera ae ti kona n reiakinna mairoun Taniera ao raoraona ae na buokiira b'a ti na karimoa te Atua inanoni maiura n te bong aei? Taniera bon te rorobuaka n ataei ngke e kairaki nako Baburon, are atuun kawan te emb'aea ae korakora are ataaki ngkekei. Bon ana iango te uea are Nebukaneta b'a e na kairiia rorobuaka n ataei aika tenaan kabanea n tamaroa ao ni wanawana mai buakoia botannaomata ake e konaia n te buaka. Ao e a karin naba rabakaun Baburon ma ana aro irouia, iaan te kantaninga are a na kona ni buoka karikirakean ueana.

Tebwiina te nga rorobuaka n ataei riki ake a kairaki ma Taniera ao, a rineaki kabanea n tamaroa ibuakoia nakon te baereti. Ao i buakoia bon Taniera, Tiateraka, Metiaka ao Abeteneko. Aia moani katakiia bon iaon te am'arake are ataia man te B'aib'ara. Karimoaan te Atua e kona n aki reke irouia kab'aia ake a kona n anganaki mai Baburon—ke ae e a buakaka riki, a kona ni kabuai maiuia. E ngae n anne, ao rorobuaka aikai a karaoa te motinnano inanoia b'a a na karimoa te Atua, e ngae b'a tera ae na riki. Ma aki kona ni kairoroaki ke n anaaki nanoia b'a a na karaoa are tangiraki. Ao a kakaonimaki ni kanaia ao te Atua E anganiiia te ataib'ai, ao ni buokia b'a a na riki b'a ataei aika rianako n ana kuura ae rieta".

Imwiina riki, ao e riki Taniera b'a te tia tararuia taan rabakau ni kabane, ao raona ake teniman a riki b'a taani kairiiri n te tautaeka ni Baburon. E riki aio ibukina b'a e karimoa te Atua, e ngae b'a tera mwiina. Ni koauana, ao a tauraoi ni kabuekaki ngke a bon taratara mataia nakon ae a nang kaaki aia koaua. Ao a koreaki aia taeka inanon Taniera 3:17: "Ngkana tao arona, ao E kona Atuara ae ti toro i Rouna ni kamaiura man te nenikanaiai ae ura m'aaka te ai iai, ao E na kamaiura mai nanoni baim. Ma ngkana tao E aki, ao ke e ataaki aei iroum, te uea, b'a ti na aki toro irouia antim, ao ti na aki taromauriia te boua are te koora are ko kateia."

E ngae ngke e a boni kara naba, ao Taniera e kukurei riki b'a e na teweaki nako neia raian nakon ae nang katoka ana tatataro, are moanib'ai n te ingabong. Ma E roko te Atua ni kamaiua ao e maiu Taniera ni kakatituaraoa Atuana ao e riki b'a te buraim minitita iaon Baburon. E karimoa te Atua Taniera. Ao ana banna ni katoto e kaungaira b'a ti na katotongnga. Ngkai a waaki riikan n rikoa te kabwi mate karea, ti kaewenakoaki b'a ti na karimoa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanoni maiura. Inanon Aran Iesu, amen.

“Ao E taku lesu nako ina,
‘Ko na tangira lehova
ae Atuam n nanom ni
kabanea, ao n tamnein
ni kabanea, ao ni
wanawanam ni kabanea.
Moa te tua aei, ao e
korakora. Ao ai aron naba
are te kauoua, are kangai,
Ko na tangira raom n ai
aron tangiram bon irouum.
E bane te Tua ma aia
taeka burabeti nako n
tauraki n tuua aika ouua
aikai.”

MATAIO 22:37-40
ENGLISH STANDARD VERSION







9

Beberuare 27, 2021

NGKE E KARIMOA TE ATUA NEI ETITA

E kona ni kanganga karimoaan te Atua. Tera ae ti kona n reiakinna mairoun Nei Etita ae na buokiira b'a ti na karimoa te Atua inanoni maiura n te bong aei?

Ngke e kukurei Nei Etita b'a e na ira te rinerine are e a karikia naba iai b'a te uea n aine n te emb'aea ni Bootia, ao a m'aiti titiraki ake a roko n ana iango. B'a a riki b'a taenikai ana aomata n te tai anne ao aki rang ataaki aroia b'a tera. Taraan ae E a tia ni kitaniia te Atua nakon te tautaeka ni Bootia, ma e teimatoa n tangira te ongeaba. Ma moan te tamaroa te aine ae Nei Etita ao aio ana tai ae kona ni waerake iai i aoi aine ni kabanea ake n te emb'aea.

Moan te botonnaine Nei Etita, tiaki ti tinanikuna ma nanona naba. Ao e boni kona n nora naba anne te uea ae tuabuaka. Ao e rineaki Nei Etita iroun Atatokititi, mai buakoia aine ni kabane ake a ira te kauaba, ao e riki b'a ana uea n aine. E kona n tiku ana iango Nei Etita n ana baereti ake a bane n reke iai b'aa ni kabane ake e tangiri inanon ririki ake i m'aaina.

E boni kanganga karimoaan te Atua ngkana ti rarikin ao akea ara b'ai. Ma te kaub'ai ma te m'aaka e aki toki ni kairiia aomata ni kararoaia mairoun te Atua. Ko kanga ni karimoa te Atua ngkana e a rang m'aiti riki kaub'aim ma kinaakim nakoia kain rarikim? Ira ana banna ni katoto Nei Etita ao uringiia te koraki ake a kainnanoa te katanaki.

E a tia ni m'am'anaaki te uea are Atatokititi iroun ana tia iango ngke e kab'aata te tua ibukin tiringaia

I-Ebera ni kabaneia. Ao ngke e kaewenakoaki b'a e na bubutia te uea ana nanoanga, ao e maku Nei Etita. Ao aio ana taeka are koreaki inanon Etita 4:16:

"Naako botia lutaia ni kabaneia ake a mena i Tutian, ao kam na aki mamamatam ibuku, ao tai am'arake ao tai mooi tenibong, ni bong ao ni ngaina: ao ngai ma au nikiranroro ti na aki mamamatam n te aro naba aei; ao N na rin n te aro anne nakon te uea, n te aro ae tiaki ai aron te tua: ao ngkana tao N na mate, ao N na mate!"

Tiaki n ae e aki rotaki naba n te maku Nei Etita. Ma e rang ninikoria ao n rang n tamara. Ao imwiin kaongoia lutaia b'a a na aki mamamatam ao n tataro, ao e rin nakon te uea n aki inaoaki. Ao ni bon te tai naba anne ae kanakonano, ao e karimoa te Atua ao e taekin taeka aika e aki kona ni m'aninga te aba inanon te rongorongo: "Ngkana tao N na mate, ao N na mate."

Etita e karimoa te Atua. Ao ana banna ni katoto e kaungaira b'a ti na katotongnga. Ngkai a waaki riikan n rikoa te kabwi ma te karea, ti kaewenakoaki b'a ti na karimoa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanon maiura. Inanon Aran Aran Lesu, amen.



10

Maati 6, 2021

NGKE E KARIMOAA TE ATUA BETERO

E kona ni kanganga karimoaan te Atua. Tera ae ti kona n reiakinna mairoun Betero ae na buokiira b'a ti na karimoaa te Atua inanoni maiura n te bong aei?

Betero bon temanna ibuakoia kabanea n ikawai irouia reirei ake E weteia lesu. Ao e rang tataua ma nanona ao te aomata ae onimakinaki. N te tairiki teuana ae buaka, ao E kaoti lesu nakoia reirei kanga te anti ae nakonako iaon taari. Boni Betero te moan aomata n taetae b'a e kan nakon lesu, e ngae ngke e na kainnanoa ae na kibankoko i taari ao n nakonako iaon taari. Karimoaan te Atua titebo b'a te b'ai ae rang bebete iroun Betero. Ni karokoa ae e boni kuri b'ab'a. E aki maan imwiin nakonakona iaon taari, ao e manga aki onimaki Betero. Ngke e tabe n rabunaki Betero n taari, ao e bae n roko te mama irouna ngkai e aki nakoraoi are rinanona. E a tia n tuatua b'a e kan nakon lesu, ma a noria raona n abotoro b'a e konaaki. Karimoaan te Atua inanon konaakira bon tiaki te b'ai ae bebete. Ma e karaoia Betero. E takarua b'a e na buokaki ao E kamaiua lesu. E kaokiokia te rongorongo bon irouna ngke e katikaki lesu ao ni kamateaki. E a tia ni berita Betero b'a e na memena i Rarikin lesu, e ngae b'a tera, ma E kauringnga lesu ae e na kakea bon n te tairiki anne. E aki maku Betero.

Ma e tuai tauraoi ni mate ibukin lesu. E oti aei man ana waaki ni kaikoaki Betero i Ketetem'ane. E boni ngae ngke a m'aiti tautia ikekei, ma e kataia n tiringa te aomata Betero. Te kakaitau b'a bon te tia akawa ngaia, ao tiaki te tautia. E tua nako ana oro ao e korea taningan te aomata. Ma e minotaki ana

kantaninga n te b'ai are E karaoia lesu imwiin aei. B'a lesu E kamaoa ikoakin te aomata arei ao E taku b'a E aki kainnanoa te katantan. Tera ae nanonaki n aei? E tauraoi Betero nakon te buaka ma E waeia lesu b'a e na aki. Ao e a iriira lesu n taua raroana, ao ni kakea teniua te tai n te tairiki arei n aron are E a kaman taekinna lesu. E ngae n anne, ao e tiku loane i Rarikin lesu inanon te tai ae kakamaku anne ni katean lesu n te bowi ao n taurakina. E a manga moani konaaki naba Betero. Ao e nang kanga ni kona ni kaira te b'ai teuana imwiin aei?

Karimoaan te Atua ibuakon kab'akara, ara nanokokoraki ao mamarara bon te b'ai ae kanganga. Bon ti ni m'aakan te Atua ae ti kona ni butim'aea Ana kab'arabure te Atua ao ni manga moana ae boou. Imwiina, ao e riki Betero b'a te tia kairiiri ae nakoraoi ngkai E a manga moan onimakina lesu. Tao ko a tia n aki rang kakaonimaki n am kabwi ma am karea n te tai ae nako. Tao ko a tia ni kab'aka. Karimoaan te Atua bon te bubuti ibukin Ana kab'arabure te Atua n te bong aei. E nanona te manga moani waaki n onimakina te Atua ma kaub'aira. E karimoaa te Atua Betero. Ao ana banna ni katoto e kaungaira b'a ti na katotongnga. Ngkai a waaki riikan n rikoa te kabwi ma te karea, ti kaewenakoaki b'a ti na karimoaa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanon maiura. Inanon Aran lesu, amen



71

Maati 13, 2021

NGKE E KARIMOAA TE ATUA BAURO

E kona ni kanganga karimoaan te Atua. Tera ae ti kona n reiakinna mairoun Bauro ae na buokiira b'a ti na karimoaa te Atua inanoni maiura n te bong aei?

E aki toki Bauro ni kakarimoaa te Atua ma, ngke e b'ainikiriniia taan iriira lesu, ao Bauro, e aki kona n nora te b'ai ae eti ni matana. Ma ai tib'a ngke e b'aka nako aontano, ao ni kamatakiiaaki n otan lesu, are e a tib'a moanna n noraba raoi ni koaua iai. Iroun Bauro, karimoaan te Atua e nanona te titiraki ma te nanorinano ni baike E tangiri ao n okira te Baibara. Imwiin teniua te ririki i Arabia, ao e oki rikaaki Bauro ma te koaua ae kabouaaki ae te Atua, E bon aki katuka te aonnaba n arona. Lesu bon te Tia Kamaiu ae tangiria ni karoko irouia aomata ni kabaneia. E reitia nako Bauro ni karimoaa te Atua ngke e m'ananga man te kaawa ae bubura nakon are teuana, man te baronga teuana nakon teuana n taetaekina lesu. Bon akea te b'ai ae kona ni katoka Bauro man karimoaan te Atua, n ikotaki ma taai aika batia ake a kan tiringngia iai aomata. N te tai teuana, ao a raeraeaki kunnikaina ma raona are Tiira inuukan te kaawa. Ao a batibooaki ao a karinaki n te karabuuti, ao a kabaeaki waeia. E ngae ngke a teimatoa n titinako raraaia ao a babangaki, ma a karaoa te b'ai ae aki kona n iangoaki Bauro ma Tiira: Aki tangtang, ma a nebonebo n taromauriia lesu.

Ngkana ko a b'aka n te kabanea n rinano ni maium n te tai aei, ao taraan ae a bane n nakobuaka b'aai ni kabane, bon akea te tai ae e a raoiroi riki nakon ae te taromauri n te bong aei. Ao E karokoa te m'aaiei te Atua. E koro ni maaku te tia taraia buure b'a e a taku b'a a birinako ana bure, ao e a buuta naba ana kabaang b'a e na bon ewaria ni bakabureia. A bon uringa raoi aron oreaia ma b'ainikiriniia Bauro ma Tiira iroun te tia taraia buure arei. Kab'araan kaia Bauro ma Tiira ae te kabanea n riai irouia bon tatatingaan te tia taraia buure b'a e na b'aka i aontano.

Ma Bauro ma Tiira bon aomata aika a kakarimoaa te Atua. Ao inanon te teekan naba arei, ao a baireia b'a a na kab'ara ana bure te tia taraia buure, ao a takarua naba nakoina b'a e na aki bakabureia. A nora lesu te aobitia anne ma ana utu ao, n te ngaina are imwiina, ao a taromauriia aia Uea ueea.

Bauro ao Tiira a karimoaa te Atua. Ao aia banna ni katoto e kaungaira b'a ti na katotongiiia. Ngkai a waaki riikan n rikoa te kabwi ma te karea, ti kaewenakoaki b'a ti na karimoaa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanoni maiura. Inanon Aran lesu, amen.



12

Maati 20, 2021

NGKE E KARIMOAA TE ATUA IOANE

E kona ni kanganga karimoaan te Atua. Tera ae ti kona n reiakinna mairoun loane ae na buokiira b'a ti na karimoaa te Atua inanoni maiura n te bong aei?

Ioane bon te kabanea n ataei ibuakoia abotoro. E tangira lesu ma nanona ni kabane. Ngke a bane n uamaenako reirei imwiin katikan lesu, ao e tiku ni kaan loane nakon lesu inanon Ana tai ni kanganga ni kabane. Lesu E karinea ana kakaonimaki man anganakina te mwiokoaki b'a e na tararua te aine are e rang tabeakina riki lesu: Nei Maria, are Tinana.

Ma ngke e uarereke, ao e rang kani kakabomwi ao n un loane. E rang matoatoa irouna te nanoanga ibukia te koraki ake aki butim'aea lesu. E taku nakon lesu b'a e na b'aka te ai mai karawa ao ni kamaunaia I-Tamaria ake aki butim'aea lesu. Karimoaan te Atua inanoni maiun loane bon tiaki te b'ai ae riki n te tai ae uarereke. Ma e tau ae, e boni kabanea te motinnano ae ab'ab'aki taina ibukin tangiran lesu n ai aron are E tangiria naba. Imwiin okin lesu nako karawa, ao e teimatoa loane ni kakaonimaki ni karokoa matena, e nakon 70 te ririki imwiina. Ao e a riki naba b'a te mitinare n te ekaretia i Ebeto ao e korei booki aika m'aiti inanon te Nu Tetemanti—ibuakoia bon te euangkerio ae loane ao te boki ae te Kaotioti. E ngae n anne, ao ana reta nakoia ekaretia e anga te ota ae korakora ni kaeineti ma rairakina.

Aikai oin ana taeka ake a koreaki n 1 loane 4:7:

"Ngkami aika kam tangiraki, ti na itangitangiri: b'a mairoun te Atua te tangira."

N tabetai a b'ara nanora ngkai ti teimatoa n aki kona n taotaona nanora n unra ao b'aai ake ti tangiri. Ma e rinanon te onikaki ae nano loane n te tai ae maan man karimoaan te Atua inanoni maiuna. Ao ana banna ni katoto e kaungaira b'a ti na katotongnga. Ngkai a waaki riikan n rikoa te kabwi ma te karea, ti kaewenakoaki b'a ti na karimoaa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanoni maiura. Inanon Aran lesu, amen.



13

Maati 27, 2021

NGKE E KARIMOA TE ATUA NOOA

E kona ni kanganga karimoan te Atua. Tera ae ti kona n reiakinna mairoun loane ae na buokiira b'a ti na karimoa te Atua inanoni maiura n te bong aei?

Ngkana ko a tia n namakinna ae akea tangiran te Atua irouia kaain am kaawa, ao ko na ata naba are e namakinna Nooa. Ni koauana, ao tiaki ti te Atua ae aki tabeakinna. Aki tabe naba bon irouia. Ao e rikirake ni buakaka ae ngkana a kariaaki b'a a na reita nako aroia anne, ao ane a na bane ni kamaunaaki aomata ni kabaneia irouia.

Ao bon n te tai anne are E a rinnako naba te Atua ni kamaiua te aonnaba te moan tai. E tuangaki Nooa b'a e na karimoa te Atua ao ni kabanea ana bubuanririki ni maiu are imwiina ni kabaakin te aake, ao e tuangiia aomata ni kabane b'a a na rairi nanoia ao ni biti kawaia. E kaenaenaaki ao ni b'ainingareaki irouia aomata ake e tuangaki b'a e na kauringiia, ma e aki b'ara nanona. Ni katoa bong ao Nooa e karimoa te Atua ao n iri ana babaire ake E anganna.

Ngaira ni kabane ti kaririaki b'a ti na karimoai ake bon oin ara waaki ao ara moanib'ai. Tao ngkoe te tia babairei kaub'ai aika bat. Ke tao ko teimatoa

Ni kakorakorako ni kataia ni karekei baika ko kainnanoi. N ai aron Nooa, ti kaewenakoaki ngaira ni kabane ni katoa bong, ni kaota wiiki, ni katoa nam'akaina, ni karimoa Uean te Atua. E a tia ni berita te Atua ae a na bane n raonaki b'aai ni kabane nakoim. Ao E kawakini Ana berita te Atua. E roko te ieka ao te aake e kamaiua Nooa ma ana utu man te kamaunaaki. E a tia ni kamaiuaki te botannaomata. N ai aron ana bong Nooa, ao are a na b'ainikiriiniko ao b'ainingareiko aomata ake E tuangko te Atua b'a ko na anganiia taeka ni kauring. Ma n te bong teuana ae aki maan, ao E na oki te Atua ni kamaiuira. Te koraki ake a karimoa te Atua, ao a na nora mwiin aia m'akuri b'a e na kamaiuaki aomata ni kabaneia. N ana m'akuri ni kabane, e karimoa te Atua Nooa. Ao ana banna ni katoto e kaungaira b'a ti na katotongnga. Ngkai a waaki riikan n rikoa te kabwi ma te karea, ti kaewenakoaki b'a ti na karimoa te Atua.

Tamara are i karawa, ti taromauriiko n te ingabong aei ma ara kabwi ao ara karea. Ti tataro ibukin te ninikoria b'a ti na karimoako inanoni maiura. Inanon Aran Iesu, amen.

The background of the entire image is a photograph of a sandy beach meeting the ocean. The sand is a warm, golden-yellow color with distinct ripples and textures. The ocean waves are white and crashing onto the shore. A thin orange border runs along the top and right edges of the image.

KAUOUA NI KUATA
**AOMATA N TE BAIBARA
AIKA RAWA NI
KARIMOA TE
ATUA**



14

Eberi 3, 2021

NGKE RAWA NI KARIMOAA TE ATUA IUTA

E kuri kanganga karimoaan te Atua. Tera ae ti kona n reirei iai mairoun luta, are e rawa ni karimoaa te Atua?

Abotoro ake tabeman a kakoaua ae luta bon te abotoro ae kororaoi. E atai'bai ao e rang babane.

E kakoaua naba lesu ae bon te Meetia are beritaaki. E ngae n anne, ao e tangiria luta n iriira lesu n rang ni kaan riki b'a e aonga ni kona n reke nena ae rietata n Uean te Atua. E kauringiira Nei Ellen White ae te "Tia Kamaiu e kona n ata are i nanon luta; E ata nanokaein te bure are na kaiinakoa luta, ngkana e aki kamaiuaki n Ana akoi te Atua. Inanon tomaakin te aomata aei nako Ina, ao E kamena n te tabo are e na kona iai n namakina b'aro nakon Ana tangira ae aki tiorobeke. Ngkana e ti kona ni kauka nanona nakon Kuristo, ao Ana akoi te Atua, e na kanakoa ana tiorobeke te riaboro, ao e kona n riki luta b'a kaain uean te Atua" (The Desire of Ages, iteraniba 294).

A m'aiti iroura ae iai ara taarena ao ara konab'ai ae a kona ni buokiira ni karekei b'aai aika bubura n nakoara ake ti mena iai ke n te kairiri n te ekaretia. N ai aron luta, ao ti kona n onimaki iroun lesu ao ti bon tautoronaki naba n arora n tiorobeke. Luta e mwiokoaki ibukin kawakinan te m'anee aonga ni kona n nora te kim'areirei n te angaanga n te aro ae kona n onika te maiu. Karimoaan te Atua inanon ara kabwi ao te berita bon te kawai ae kona n oniki nanora lesu. N ai aron luta, ao ti kaririaki naba inanon iriiran lesu ti aonga ni karekea mwengara i karawa. E ngae n anne, ao te Baibara e aki kaunga temanna b'a e na tangira karawa ibukin te kaub'ai.

Ngke e bubuti luta b'a e kan riki b'a te abotoro, ao E ti kaeka lesu ni kangai:

"Bon iai ngaoia arobeke, ao ngaoia manin annang; ma akea nenii kawenean Atuun Natin te Aomata" (Mataio 8:19, 20).

Ngke e kakea lesu luta ao ni bakabureia, ao e a bon tokanikai naba te tiorobeke n te bobuaka are inanona. E aki manga manena te m'anee, ma ngaiā are te maibiibi n tirewa are 30 e a riki b'a te tekebuaka ao te kauring ibukin b'akana. E weweteira te Atua b'a ti na karimoaa Ueana iaoni b'aai ni kabane ake ti karaoi. Te m'anee bon te b'ai ni kakab'aia mairoun te Atua ti ngkana ti kariaia lesu b'a E na kona te tiorobeke are inanora.

Iuta e rawa ni karimoaa te Atua. Ao a kakamaku tokina nako ina ma aomata ake irarikina.

Ana tangira te Atua e kaungaira b'a ti na karimoaa Ueana, ao e riki te katoto iroun luta b'a te kauring ibukira n te bong aei. Ngkai a rikoi kabwi ma karea riikan, ao ti kaewenakoaki b'a tina karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.

Eberi 10, 2021

NGKE A RAWA NI KARIMOAA TE ATUA ATAM & EWA

Ngke a rawa ni karimoaa te Atua Atam ao Nei Ewa. E boni kanganga karimoaan te Atua. Tera ae ti kona n reiakinna iroun Atam ao Nei Ewa, ngke a rawa ni karimoaa te Atua inanon aia tai ni karaoa aia babaire ae rang kakawaki ni maiuia?

A reke b'aai ni kabane iroun Atam ao Ewa. Moanibaan te tikiraoi mwengaia. Ao e rang n nakoraoi aia m'akuri. A kaai n tangiriia bon irouia ao iai kanaia ae te kabanea n raoiroi n te aonnaba. Ni koauana, a nora te rau man otin taai ni karokoa e bung. Tiaki ti te rau ae aron ae iroura—ae akean te kanganga—ma Ana rau te Atua—Shalom, are bon te rau ni b'aai ni kabane.

A ata are tautaeka iaon ara buraneti. Bon te Atua ae i aon b'aai nako. Aomata—te m'aane ao te aine—a kaai n tei ao n anga te kairiri nakon te aonnaba ao n tautaekanna, are mena i aaia inanon te rinan n tautaeka. Maanin aia tai ni maiu iaan te koaua aio, ao a bane ni kororaoi b'aai nako.

Ma n te bong teuana ao a motikia Ewa ao Atam b'a a na kaitara are tautaeka i aoia ao ni kana uaan te kai iaan te kantaninga are e na onikiia b'a Atua ngaiia. Te urub'ai nakon te nakoa n tautaeka e tei ibukin uruakan te rau iaoni b'aai nako (Shalom) ao e uota te mate. Te Baibara e kabongana te taeka ae "bure" ni kab'arab'ara te b'ai are uruaki iai te rau (Shalom).

Ngkana e ana te b'ai teuana te aomata ao ni karietata ni kangai, "I aki kona ni maiu n akean te "b'ai aei", ao a uruana te rau ao tokina bon te tiorobeke, te aki rarauaki, ao katokina te mate. A bane kamanging aika taburoroko ma b'aikoraki ni b'aka i aan te karinan aei.

N te tai are ti ana iai te aomata ao ni karietataia b'a a na riki b'a b'aai aika kakawaki kanga atua, ao ti urua te Rau (Shalom) ao aio ae uota te rawawata, te nakonnano ao, ai te mate.

Te reirei man te b'ai are a rinanona Atam ao Ewa b'a te Atua bon te Atua ao ngaira tiaki. Aio bon te boto ni koaua n ara uniweeti. Ngkana ti wareware n te Baibara ao ti bo ma ae kangai "E taku te Atua", ao ti aki toki ni kaririaki, n ai aron Atam ao Ewa, b'a ti na kakaea etin are ti karaoia ao ni kunea are bon oin ara koaua". Aio bon te bure ao e kairiiri nakon te mate. E tuangiira te Atua b'a ti na uoti nako Ina ara kabwi ao ara karea. B'a te Atua bon te Atua, ao tiaki ngaira. E ngae n anne, ao n ai aron Atam ao Ewa, ao ti kaririaki naba b'a ti na bon riki b'a atua ngaira ao ni karaoi b'aai aika kamimi. Te Atua E anganiira te inaomata, ma E aki kanakoi b'aai ake a kona n riki mai iai. A kitana te nenaroka Atam ao Ewa n te bong arei b'a a kantaninga te kamaiu are E beritaia te Atua b'a E na karokoa. N te bong aei ao e matoa kamaiuara iroun Iesu. E ngae n anne, ao n ai aron Atam ao Ewa, ao ti kaririaki b'a ti na aki karimoaa te Atua ngkana e na batte aroaro iai. Atam ao Ewa a rawa ni karimoaa te Atua. Ao e kakamaku mwiina nakoia ao aomata ake irarikiia. Ana tangira te Atua e kaungaira b'a ti na karimoaa Ueana, ao e riki te katoto iroun Atam ao Ewa b'a te kauring ibukira n te bong aei. Ngkai a rikoi kabwi ma karea riikan, ao ti kaewenakoaki b'a tina karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanonni maiura. Inanon Aran Iesu, amen.



Eberi 17, 2021

NGKE E RAWA NI KARIMOA TE ATUA KAIN

E kona ni kanganga karimoan te Atua. Tera ae ti kona n reiakinna mairoun Kain, ngke e rawa ni karimoa te Atua?

A tia ni kakionakoaki Atam ao Ewa man te ne n aroka are i Eten ngke e a tia ni bungiaki Kain. A kaai ni bane n rinanon te kanganga. E m'akuri Atam ma te korakai ni karekea maiuia man te tano, ao ngke a ikawai natia, ao a manga moana naba te m'akuri ni buoka karekean te maiu.

E baraa kina te ununiki Kain. Ao Abera e kawakinia maan. A kaai ataeinim'aane aikai n ongongoraa b'aa ake a taekinna aia karo iaon taekan te Atua ma rongorongan te ne n aroka. A kaai n ongongora aron te Atua ngke E kareana te moani man ibukin kab'araan aia bure ao n rabun kamaemaeaia.

A kaai n taromauriia te Atua Kain ao Abera. Ao ngke a bon ikawai, ao e taku te Baibara b'a a kaai n uota aia karea ae te kabanea n tamaroa. Abera e uota ae te kabanea ni marikarika mai buakoia ana nanai ni man aika boni karimoa, ao Kain e uota tabeua man moan uaan arokana are e karekea man te tano. Ao E taratara ana karea Abera te Atua are e uotia ao E kukurei iai, ma E aki butim'aea ana karea Kain. Ao e roko unin Kain. E aki un bon i rouna ke i Roun te Atua. Ma e un iroun Abera, are tarina. Te aki butim'aeaki bon te b'ai ae matoatoa iroun te aomata. Ti rarawa n ae ti na aki butim'aeaki ao ti kabanei maiura ni karaoi b'aa ni kabane aika ti konai ni kararoa te ribaaki. Ti kabanei ririki aika bat n reirei, b'a ti aonga ni kai butim'aeaki ngkana ti kabae arara ibukin te m'akuri teuana. Ti kabanea ara tai ma ara m'an ibukin katikiraoara ma tararuuan arora, b'a ti aonga n tangiraki. Ti kabanei ara taarena

ni karikirakei kaub'aira, b'a e aonga ni kakanoa ara credit card ao ni butim'aeaki n taabo ni boob'ai.

Ma e ngae ngke ti kabanei korakorara, ma e bon reke naba ae ti a manga aki butim'aeaki. N te keiti aio, ao e teretere ae Kain e aki butim'aea are E tangiria te Atua iaon te karea ae riai. Ao n te nanorinano, e riai Kain ni maroro ma tarina ngkana e kona n anganna ana man temanna ibukin ana karea. Ma e aki karaoa anne. Tao e taku n ana iango b'a e kona ni karaoa ae te kabanea n tamaroa, ao e a tau naba anne. N tabetai ti baireia b'a ti na karaoi oin ara tua n rekereke ma ara karea. Ma aio bon te kairua. B'a te Atua bon te tua ao tiaki ngaira. E rang n teretere te babaire iaon te b'ai are ti riai ni karaoia ma ara kabwi ao ara karea, ao ti riai n iri nanoia.

Ngkana e aki butim'aeaki, ao e aki kan taetae Kain ma te Atua, ana karo ao bon tarina. Ao n akean te kaaitara, ao e tokanikai te riribai iroun Kain. E kataia te Atua n ibuobuoki ma e bon rawa Kain ni butim'aea Ana ibuobuoki. Ao e tokanikai inanona te bure ao e anga ngaia ni kabane nakon unna ao ana kakeru. Ao e ruo rikaaki naba aran Kain b'a ngaia te moan tia tiriaomata n te aonnaba. E rawa Kain ni karimoa te Atua. Ao e kakaiaki mwiina nakoia ao nakoia aomata ake irarikina. Ana tangira te Atua e kaungaira b'a ti na karimoa Ueana, ma te katoto iroun Kain bon te kauring nakoira n te bong aei. Ma ti na aki katotonga Kain. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



17

Eberi 24, 2021

NGKE E RAWA NI KARIMOA TE ATUA TAMTON

E kona ni kanganga karimoan te Atua. Tera ae ti kona n reiakinna iroun Tamton, are rawa ni karimoa te Atua? E bungiaki Tamton b'a te Natiraite. Ae nanona b'a iai aron maiuna ae boni kaokoro. Te moanib'ai, e na aki nima te wain, ranin te kureebe ke te b'ai riki teuana ae nako man te kureebe. E na aki riringa rab'ataia maate

ao—ae rang kakawaki riki—a riai Naatiraite n aki kokoreaki irannatuia.

Inanon ririki ake e bon ataei iai, ao Tamton bon te ataeinim'aane ae korakora ao ni matoatoa. Ngke e a ikawai, ao E a kairia te Atua nakon ainen Biritia ae te ataeinaine. E kab'arab'araaki te aine aei n te aro aei:

"Ao e wairio Tamton ma tamana ma tinana nako Timna, ao a roko n nen aroka aika kureebe ake i Timna: ao noria, e bekorara te raian te teei n ekia nako; ao E roko Tamnein lehova i aona ni kakorakora, ao e raebitiia n ai aron raebitian te kooti te teei irouna..."

Ao imwiin tabebong ao e oki b'a e na weteia, Ao e rairaki nako b'a e na tara bannan te raian, ao noria, e mena te nata ni manibeeru ma aia karewe ni bannan te raian. Ao e anaia ao e uotia inanoni baina, ao e waaki, ao e kannan n nakonako" (Taani Motikitaeka 14:5-9).

Ko nora anne? E tangiria Tamton ni maiu n te Rengerenge imarenan te eti ao te kairua. A rang matata Ana babaire te Atua: kararoako man te kureebe ao man rab'ataia maate. Inanon te wareware ae kimototo aei, ao e riaoi babaire aikai ni kauoua. Imwiina, ao e a bon rang bebete riki irouna b'a e na kariaia korean iranatuuna ngkai e a kaman rinea te kawai ni kaaitara.

Bon akea ae na uti n te bong teuana ao e na baireia b'a e na aki butim'aea te Atua. Bon iai n taai nako babaire aika uarereke aika ti aki karimoa te Atua iai.


Ngkana ti noria b'a e tuai kitaniira te korakora, ao ti a taku naba bon iroura b'a e bon eti naba kawaira. Ma E weteira te Atua b'a ti na karimoa n te bong aei, n te aro b'a ti na aki kona n riki b'a konan ara kairiribai n aron Tamton.

Ngke uti Tamton nakon buakakan nanona, ao e waekoa ni wetea te Atua ao E kaeka te Atua. Ni koauana, ao te Baibara e taekina te rongorongo ae a bane ni kaekaaki ana tataro Tamton n tatabeua nako. E rang bati Ana nanoanga te Atua nakon Tamton ao E na bon nanoangaira naba. E boni ngae ngke ko aki kakaonimaki n am kabwi ma am karea n te tai ae nako, ma ko kona ni manga moanna n te bong aio.

E rawa ni karimoa te Atua Tamton. Ao e kakaiai mwiina nako ina ao nakoia aomata ake irarikina. Ana tangira te Atua e kaungaira b'a ti na karimoa Ueana, ma te katoto iroun Tamton bon te kauring nakoiria n te bong aei. Ma ti na aki katotonga Tamton. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.





“Ko na onimakina lehova n
nanom ni kabanea, ao tai
mwiokoa oin am ataib’ai.
Ko na ataia n nakonakom
ni kabane, ao E na kaeti
kawaim.”

TAEKAN RABAKAU 3:5-6
ENGLISH STANDARD VERSION

**18**

Meei 1, 2021

NGKE A RAWA NI KARIMOA TE ATUA NATIN ERI M'AANE

E kona ni kanganga karimoan te Atua. Tera ae ti kona n reiakinna iroun Eri, ngke e rawa ni karimoa te Atua?

Eri bon te aomata ae korakora. E kakaraoi ana m'akuri b'a te mataniwi n ibonga ma te kakaonimaki. Inanon aia tai taani motikitaeka,

Ao a roko aomata man taabo nako b'a a na taromauriia te Atua. Ao e tauraoi n taai nako Eri ni katana te tembora ao ni kairiia aomata n aia taromauri. Nga ma nga aomata ake a roko nakon te tembora ni katoa ririki ao e tauraoi Eri ni buokii. N te bong teuana ao e tataro ma te aine temanna ae bubuti natina ao E kaeka aia tataro te Atua. Ao ngke e bungiaki te ataei aei, ao tinana ae Nei Aana e a motikia naba b'a e na karimoa te Atua ao n uota te ataeinim'aane aei b'a e na m'akuri n te tembora.

E reiakina Tamuera Eri b'aai ni kabane ake e atai iaon taekan te Atua ao te m'akuri n ibonga. Ao n te bong teuana, ao E taetae te Atua nakon Eri inanon te ataeinim'aane aei. Ko na bae n uringa rongorongon Ana wewete te Atua nakon Tamuera teniua te tai n te nukanibong. Ma te b'ai ae ti aki ni m'aninga boni kanoan te rongorongo are E tangiria te Atua n anga. E a rang kabanea ana tai Eri irouia te botannaomata n Iteraera n te aro are e aki rang tabeakina aroia natina m'aane. E a bon tia te Atua ni kaningnga nakon Eri aroni kakawakin reiakinaia natina m'aane b'a a na riai ni karimoa te Atua. Ma e rawa Eri n

reireia natina. Ao e kakaiaki mwiina.

Ao a riki natin Eri m'aane b'a ibonga aika rawa ni karimoa te Atua. Bon akea irouia karinean karea ake a uouoti Iteraera aika kakaonimaki nakon te tembora. Ni koauana, ao e taku te Baibara:

"Ao e batu n ab'ab'aki aia bure rorobuaka akekei i Matan lehova: b'a a riba te anganga karean lehova aomata" (1 Tamuera 2:17).

Aio bon te taeka ae urub'ai. Karaoan te b'ai ae aki riai nakon karean lehova, bon kakeaan bongaia ke karineaia. Tiaki te b'ai ae uarereke aei iroun te Atua ao n tokina a bon tiringaki natin Eri m'aane irouia I-Biritia. E mate Eri bon n te bong naba anne b'a e a toki naba buroona ngke e ongo taekan ae e a tauaki te Ati ni Berita. N taai tabetai ti aki anga ara kabwi ao ara karea te karinerine ao te katabuaki are a bon riai ibukia. B'a ara kabwi ao ara karea bon kaotan ara reitaki ao ara karinerine nakon ara Tia Karikib'ai. A rawa natin Eri ni karimoa te Atua. Ao e kakaiaki mwiina nako ina ao nakoia aomata ake irarikina. Ana tangira te Atua e kaungaira b'a ti na karimoa Ueana, ma te katoto iroun Eri bon te kauring nakoira n te bong aei. Ma ti na aki katotonga Eri. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



19

Meei 8, 2021

NGKE E RAWA NI KARIMOAA TE ATUA TAURO

E kona ni kanganga karimoan te Atua. Tera ae ti kona n reiakinna iroun Tauro, are e rawa ni karimoaa te Atua? Tauro bon te aomata ae ab'ab'aki kaei ao n tikiraoi. Ao e tei n rietata riki nakoia m'aane nako. Bon te aomata ae na rang nakoraoi b'a e na riki b'a aia moa n uea Iteraera. Tenibwi ana ririki Tauro ngke e riki b'a te uea ao e tautaeka inanon 42 te ririki. N te tai aei, ao a m'aiti b'aa'i aika eti aika e karaoi Tauro. E ngae n anne, ao e rawata ana tai ae rawa iai n ira Ana babaire te Atua. Taraan ae e rang ata ae raoiroi riki Tauro, n toua te kawai ae boni kaokoro ni kataia ni katamaroa are E taekinna te Atua.

Tabeman ibuakora ti aki toki ni kaririaki b'a ti na karaoiroi ake bon oin nanora. Tabem'aang anga kabarabara mai nanoia b'a aera ngke a ira are oin aia babaire ngkana e a roko n taekan te kabwi ao te karea. Karimoan te Atua e bon aki bebete iroun Tauro ao ai arora naba. E reitanako kawaina aio Tauro ni karokoa ae E aki tangiria te Atua b'a e na uea riki. Ao E kerikaaki te Atua man katanakin Tauro ni karokoa te tai are e a kakiriweeia te tamnei ae buakaka. Te Atua E anganiira te inaomata n rawa nako Ina ma n aki butim'aea Ana kakab'aia. Tauro e riki ni buakaka ao e kabanea ana tai ma kaub'aina ni kakiokioa ana toro ae kakaonimaki irouna ae Tawita.

E a tia n riki Tawita b'a te tautia ao te tia katangtang man te moan tai are e kaitibo Tauro ma ngaia. Ma natin Tauro ae lonatan bon raoraon Tawita ni koaua.

E ngae ngke bon akea te buakaka ae e karaoia Tawita nakon Tauro, ma Tauro.

E teimatoa nanona ni kan tiringnga. Tera bukina? Te bakantang. I mwiina riki inanon ana tai ni maiu, ao e rairaki Tauro nakoia taani mamata-n-anti, i aan ana kantaninga b'a e kona ni manga ongo riki B'anaan te Atua. Ma te Atua E aki taetae inanoia taani mamata-n-anti. E ngae ngke e kataia n okira te Atua, ao e kabonganai kawai aika aki riai iroun te Atua.

N te tai are ti rawa ni karimoaa te Atua ni b'aa'i aika uarereke, ao ane ti na bon aki toki n raroa nako riki. Tao ko tuai man karimoaa te Atua inanon am kabwi ao am karea ke inanoni m'akoron maium. Ma E nanoanga te Atua ao E waekoa ni kab'arai ara bure. Ko kona ni moana karimoanaa ngkai ni maium n te bong aei.

E rawa Tauro ni karimoaa te Atua. Ao e kakaiaki mwiina nako ina ao nakoia aomata ake irarikina. Ana tangira te Atua e kaungaira b'a ti na karimoaa Ueana, ma te katoto iroun Tauro bon te kauring nakoira n te bong aei. Ma ti na aki katotonga Tauro. Ngkai a rikoi kabwi ao karea riikan, ti a karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



20

Meei 15, 2021

NGKE E RAWA NI KARIMOAA TE ATUA TOROMON

E kona ni kanganga karimoan te Atua. Tera ae ti kona n reiakinna iroun Toromon, ngke e rawa ni karimoaa te Atua?

A bane n nakoraoi b'aai ni kabane iroun Toromon n te moan tai. Rawawatan te tautaeka boni ngaia ae kairia b'a e na bubuti te rabakau—ae bon ti ngaia te b'ai ae rang kainnanoia. Ao e koro nanon ana bubuti. Ao te Atua E kakab'aia ana tautaeka Toromon n te kaub'ai, te marurung, ao te kakab'aia.

Inanon te tai ae aki maan ao e a rairaki nako naba wanawanana Toromon nakon te kakareke taeka. E kabongana wanawanana ao ataib'aina ni kakaei anga n rabakau ibukin karekean etin arona n urui Ana tua te Atua ake E a tia ni katei. Toromon e kabongana te kairoro ni m'akuri ni katea iai Um'an te Uea n te aro b'a e na kai tia. E iein Toromon ma naati-n-uea aine man aba aika m'aiti aika kakaokoro, b'a e aonga ni karekeia te boraraoi ibukin te raoi ma ana kairiribai. E katei baonikarea Toromon nakoia antiia buuna b'a kukurein nanona ni butim'aaia nako abana. E katea ana baereti Toromon e nakon teniua te tai buburana nakon te tembora b'a e aonga ni kona ni kamaekia ana utu ae moan te buburakei. A tara n raoiroi ana waaki aikai b'a e uota te kaub'ai ae batii nakon ueana. E ngae n anne, ao ai aron ae kabirirakea te taekiti ao m'akuri aika aki eti ae aki konaaki ni kateimatoaaki. E a tia te Atua n anga tuua ae na kairia nakon te kaub'ai ae maan taina ma te rau, ma Toromon, e kabongana rabakauna ni kab'auuai nakon are e bon tangiria. E aki karimoaa te Atua Toromon ao e korouaaki Iteraera inanon

uoua tautaeka tabeua nam'akaina imwiin matena. N te bong aei ao a bon nonoraki naba aomata aika wanawana ao n ataib'ai b'a a kataia naba ni kakaea raoiroin are a karaoia ibukin uruakan Ana tua te Atua. Karimoaa te Atua e nanonaki iai ae tauan Ana taeka n te koaua ao irakina. Bebeten te taratara iaon te teei ae iriiri ana moti ana karo bon te b'ainaoraki ae te kabanea n tamaroa n ara kanganga ae aron aei. E tei n tauraoi te Atua ni kauka mataroan te marurung,

te kaub'ai ao te kab'aia nakoira, ni kaeineti ma Ana babaire ibukin maiura. N tabetai ao te Atua E teimatoa ni kaina te mataroa b'a e na kabuakakaaki ara onimaki ao kab'aiara ngkana ti nakonako inanona. Ana kakaonimaki te Atua e kaumaka ara kaeka. Ngkana ti kakaonimaki ni b'aaai aika uarerere, ao te Atua E na onimakiniira ni b'aaai aika bubura. Bon touati ngaira, ae ti kukurei n toro iroun ara Toka n tararuai Kaub'aina.

Toromon e rawa ni karimoaa te Atua. Ao e kakaiaki mwiina nako ina ao nakoia aomata ake irarikina. Ana tangira te Atua e kaungaira b'a ti na karimoaa Ueana, ma te katoto iroun Toromon bon te kauring nakoira n te bong aei. Ma ti na aki katotonga Toromon. Ngkai a rikoi kabwi ao karea riikan, ti a karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



21

Meei 22, 2021

NGKE E RAWA NI KARIMOAA TE ATUA ITERAERA

E kona ni kanganga karimoan te Atua. Tera ae ti kona n reiakinna iroun Iteraera, ngke e rawa ni karimoa te Atua?

Ngke oki Moote nako Aikubita b'a e na kainaomataia Iteraera, ao e oti b'a a bon aki tauraoi. Irabubua aia ririki n tautoronaki ao e a moanna n rara te mii are iai ngkoia irouia ibukin te Atua ao boni ngaiia. E ngae n anne, ao te Atua E boni karokoa Ana berita are E angan ngkoia Aberaam. Ngke a roko n te rereua, ao a bon inaomata. Ma te kanganga b'a aki ataia b'a tera raoi aroia ni maiu aomata aika inaomata.

E kan raoiroi ae a na okira te tautoronaki nakon ae a nang katan iaon te Atua ae aki kona n noria. Ma E taotaona Nanona te Atua nakoia, ni kaota Ana tangira ni katoabong inanon te nang, te ai ao te manna. Ana tua te Atua bon taiani babaire ae a kainnanoia ibukin reiakinan aron te inaomata. Aio bon te b'ai ae koaua n te Taabati, are e kaota aron taromaurian te Atua ao aron karineaia aomata ao te karikib'ai naba. Ma aia tai ae moan te kakawaki ngkai te botannaomata bon akea rekerekena ma te Taabati ke te Tua. A na kataaki n aia iango ao n aia onimaki.

Ngke a kanakoaki tib'aai ake 12 ake taan tei man baronga b'a a na nako n tuo te aba, ao aki oki ma ribooti aika kauntaba. B'a a bane ni kokoaua tib'aai taekan te aba ae moan te kau-am'arake. B'a bon ai aron raoi are kab'arab'araaki. Ma a ti rairi nako naba aia kab'arab'ara ni bon oin aia kab'arab'ara iaon te koaua. Lotua ma Kaleb'a, a tabeka te b'ai ae bon tara ni koaua. Ao a katea aia koaua iaon te koaua ae te

Atua, E kona n anganiia te tokanikai iaoia kaain te aba arei. Te kakamaiu ae korakora bon te kokoaua ae matoa ae E na bon teimatoa te Atua ni kakoraa bukin Ana berita. A tauraoi ni karimoa te Atua ibukin te kokoaua are a tia n noria. Ma tib'aai ake tengaun n ikotaki ma nikiraia Iteraera, a kaonaki n te maku ae akea noran riaina. A rawa ni karimoa te Atua ibukina b'a a rineia b'a a na aki kubara te kokoaua n aron Ana kairiri te Atua nakoia im'aain aei. Moan te urub'ai mwiin te iango aei. B'a E motikia te Atua b'a E nang katiotioa te roro n aomata ae b'anin aei inanon te rereua ni karokoa ae a bane ni mate. Ao bon ti natiai aika na rin n abana Kanaan.

N tabetai ti kona n riki n ai aroia tib'aai ake 10. Ti a tia n nora aron Ana kakaonimaki te Atua ngkana ti kaoki ara kabwi ma ara karea ma te nano ni koaua. N tabetai, ao ti teimatoa ni kaririaki b'a ti na aki tabe ma koaua akanne ao ti taonaki n te maku. Karimoan te Atua n ara kabwi ao ara karea boni kokoauaan te kokoaua n te b'ai are ti a tia n noria.

E rawa ni karimoa te Atua Iteraera. Ao e kakaiaiki mwiina nako ina ao nakoia aomata ake irarikina. Ana tangira te Atua e kaungaira b'a ti na karimoa Ueana, ma te katoto iroun Iteraera bon te kauring nakoira n te bong aei. Ma ti na aki katotonga Iteraera. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



22

Meei 29, 2021

NGKE AKI KARIMOAA TE ATUA B'ARITAIO

E kona ni kanganga karimoaan te Atua. Tera ae ti kona n reiakinna irouia B'aritaio, ngke a rawa ni karimoaa te Atua? B'aritaio ao taan reirei te tua boni ngaiia naba aomata aika rang karineaki iaon Iteraera inanon te moani bubuanririki. B'a a tia n anga maiuia ibukin kamateb'aian ao maiuakinan kanoan te Baibara. Bon angia ae kona n taekina kanoan te Tooraa ao n aki taraia ao a kataia n iri tuana n tatabeua nako. Aia konab'ai n ira te Baibara n te aro ae moan te eti raoi e anganiiia te namakina te tan ma te kakatonga. Ao E boni berita te Atua b'a E na kakab'aiaia te koraki ake a kakawakin Ana Tua. Ngke E moana Ana kab'arab'ara, ao E raira nako te tua man te b'ai ae kanganga kawakinana nakon te b'ai ae aki kanganga kawakinana. Iesu E kotei m'aangan nako te tua, n aron te tangira ao te nanoanga. Aio bon te kakiriwe ae korakora nakon te nakoa are ataaki iai B'aritaio ake a rang kan tataua te kaub'ai ma te nakoa ma te tautaeka. N te tai teuana ao E a boni koto mataia naba lesu:

"A na reke kaimi, taani koroboki ma B'aritaio, aika taani m'am'ana te aba! B'a kam anganga kabwiian ami b'ai, are te minte ma te aneto ma te kumino, ao kam katuku b'aa'i aika bongana riki i buakon Ana taeka te Atua: are te kaeti raoi taeka, ma te nanoanga, ma te onimaki: e bon riai te karaoi baikai, ao te aki kaaki baikekei. Taani kairiiri aika kam matakai, aika kam raumea te minominonikai, ao kam oonga te kamero!" (Mataio 23:23, 24).

A kona ni karokoa n tokina B'aritaio ao ni wareki m'aitin baan te minte ae riki n aia onaroka ao a kona n ana baana are te katebwiina n uotia nakon te tembora. E bon rang kaeineti lesu nakoia taani kairiiri n te aro aikai ake a iriira te tua ni karokoa are te kabanea n uarereke naba, ma aikoa nora te

motiraoi, ma te nanoanga ma te onimaki b'a bukin naba te tua ngke anganaki. E bon rang eti lesu:

B'a eti warekan baan te minte ma e riai naba ukoukoran te motiraoi, te nanoanga ao te onimaki.

Inanon te ota aei, uoua b'aai aika aki kamimi ikai. Te moan bon te koaua ae B'aritaio boni ngaia te korakora ae mena i akuun tiringan lesu. B'a a bon aki kona ni kariaia te tia reirei ae aki kina nakoia ae rine are a kaman kateia bon ibukia. Te kauoua ni b'ai ae aki kamimi naba bon aomata aika batia aika aki tabeakinaki ae a iriira lesu. Aikai aomata ake a tia n tuangaki b'a aki tau n nakon te Atua ao a riai ni kararoaia. E kauringiia aomata ni kabane lesu ae bon akea ae tau ae kororaoi, ao te Atua E tauraoi ni butim'aiia ao ni biti maiuia.

E rang bebete noran te aekaki ni kanganga aei n ekaretia nako. Iai aika rang kakaonimaki nakon te Atua ni b'aai ni kabane. Iai aika a tabataba inanon kawaiia. E kauringiira te Atua ae bon akea ioura ae rau raoiroina. Ma ti bane ni butim'aeaki nako nanon Uean te Atua iroun lesu ao Tamneina E onikiira b'a ti na katotonga lesu. Karimoaan te Atua e nanonna ae ti riai ni wareki baan ara minte ao ni waaki ma te nanoanga.

A rawa ni karimoaa te Atua B'aritaio. Ao e kakaiai mwiina nakoia ao nakoia aomata ake irarikia. Ana tangira te Atua e kaungaira b'a ti na karimoaa Ueana, ma te katoto irouia B'aritaio bon te kauring nakoira n te bong aei. Ma ti na aki katotongia B'aritaio. Ngkai a rikoi kabwi ao karea riikan, ti a karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanonni maiura. Inanon Aran lesu, amen.



23

Tuun 5, 2021

NGKE E RAWA NI KARIMOAA TE ATUA TE ROROBUAKA ARE KAUB'AI

E kona ni kanganga karimoaan te Atua. Tera ae ti kona n reiakinna iroun te rorobuaka are kaub'ai, ngke e rawa ni karimoaa te Atua? Ngke E kaitibo Iesu ma te rorobuaka ae kaub'ai, ao a na boni bae ni kukurei abotoro ngkana e a ira aia kurubu te aomata ae kaub'ai. Ma e aki maan te kaitibo anne ngke E a ti tuanga naba te rorobuaka aei Iesu b'a e na kaboonakoi ana b'ai ni kabane nakoia ake a kainnano. Aio rongorongan te b'ai are riki:

"Ao E taku Iesu nakolina, 'Ngkana ko kan riki ni moan te raoiroi, ao ko na nako ni kabo am b'ai nako n anganiia akana aki kaub'ai, ao e na reke am b'ai i karawa iai; ao nako mai n iri-Rai.' Ao ngke e ongo te taeka arei te rorobuaka arei, ao e nako ma rawawatan nanona, b'a bati ana b'ai. Ao E taku Iesu nakolina Ana reirei, 'E koaua ae I tuangngkami b'a ane kaub'ai ao e roko maaki n uean te Atua. Ao I a manga taku nako imi, E kai rin nako riki te kamero ni b'angab'angan te neiran nakon ane kaub'ai, ngkana e kan rin n uean te Atua.'

Ao ngke a ongo Ana reirei, ao a kuba ni mimi roaroa, ao a taku, 'Ao ai antai ae konaaki ni kamaiuaki?' Ao E tarataraiia Iesu ao E taku nakolina, E aki konaki te baei irouia aomata; ma a konaaki b'aai nako iroun te Atua" (Mataio 19:21-26). E rang bebe te b'ai ae e aki noria te rorobuaka are kaub'ai: b'a bon noran te kamaiuaki ao te reitaki ae b'anin iroun te Atua ao aomata are tangira ae ko na anga kaub'aim nako. Te Baibara e taekina te aekaki ni b'ai ae rinanoaki aei b'a "Shalom", are bon te inanoi ao te rau ni koaua ma te Atua, te botannaomata, te aomata boni ngaia ao te karikib'ai.

Ngaira ake ti a tia ni kaikoikoi kaub'aira, e ngae b'a tao uarerekera te kaub'ai anne, ma ti kaririaki naba b'a ti na kawakinna b'a e na tan. Te kaub'ai e kona n anganiira namakinan te tan ma te korakora. Bon irouna, Te kaub'ai bon te kakab'aia mairoun te Uea. Ma ni karokoa te tai are ti a taku iai b'a e bon reke man ara m'akuri korakora ao e aki kona n tib'aaki nako nakon temanna, ao e kona n rairia nakon te tekebuaka.

Te rorobuaka are kaub'ai e karimoaa kaub'aina. E tang Iesu ngkana e riki anne ibukina b'a bon te kabuanib'ai iroun te rorobuaka are kaub'ai ngkai e aki reke irouna te kamaiuaki ibukin kaub'aina. Karimoaan te Atua e nanona ae ti na karika kaub'aira b'a te kauoua ni b'ai.

Te tituaraoi n anganga bon te anua ae aki kona ni kaeweaki ae anuani karawa. E rawa ni karimoaa te Atua te rorobuaka are kaub'ai.

Ao e kakaiaki mwiina nakolina ao nakoia aomata ake irarikia. Ana tangira te Atua e kaungaira b'a ti na karimoaa Ueana, ma te katoto iroun te rorobuaka are kaub'ai bon te kauring nakoira n te bong aei. Ma ti na aki katotonga te rorobuaka are kaub'ai. Ngkai a rikoi kabwi ao karea riikan, ti a karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.





TUUA IBUKIN ARA ANGANGA

Kanikinaean te maiu ae anganaki te
Atua. Nakoiaia Ibonga 1:4,9

Te kataneiai n onimakinan Ana
konab'ai te Atua ni kareereke b'aai.
Taian Areru 34:8-10; 1 Rongorongo
29:14

E riai n nako man te nano ae raoi
ma aomata. Mataio 5:23, 24

Irakin Bannan Iesu, are E anga b'aai
ni kabane ibukira. 2 I-Korinto 8:1, 9

Kaotaan te kakaitau, te onimaki,
te nebonebo ao te karinerine nakon
te Atua ibukin Ana kakab'aia. Taekan
Rabakau 3:9, 10; 2 I-Korinto 9:12, 13



24

Tuun 12, 2021

NGKE A RAWA NI KARIMOA TE ATUA ANANIA & TABEIRE

E kona ni kanganga karimoan te Atua. Tera ae ti kona n reiakinna irouia Anania ma Tabeire, ngke a rawa ni karimoa te Atua? A rang kani karimoa te Atua. A kakoaua lesu ao e kona n ae a tia ni b'abetitoaki i Roun te Tamnei are Raoiroi. Ma a noria Anania ao Tabeire ae matoatoa kawakinan aia berita nakon te Atua. N te moan tai, ao a taku b'a a na anga m'aane ni kabane ake a karekea man boon abaia. Aio bon te anganano ae moan te tituaraoi, ae e riaon ae kona n tuatua te Atua. I 'm'aain are a kabonakoa abaia, ao tao a bon rang kukurei b'a a na karaoa te berita aei. Tao bon te nano ae koburake man noraia raoraoia b'a a kabonakoi aia b'ai ao n anganiiab abotoro ni kabane.

Ma e roko te kanganga ngke e a reke te m'aane inanoni baia Anania ao Tabeire. E a roko te tauti ikai ma te niniku. A moanna naba n iangoi b'aai ni kabane ake a kona ni karekei n te m'aane arei. Bon te tauti ma te aki rarauaki ae bungia te babaire ao te babaire anne e kairiiri nakon te mate.

Ao a boraraoiakinja b'a a na tuanga te ekaretia ae e kee riki te m'aiti are reke irouia nakon are a boni kantaningaia.

Ao n tokin te bong arei, ao a kaai ni mate Anania ao Tabeire ao n taunaki. E aera te Atua ngkai E karaoa anne nakoia? E koaua b'a te m'aene, ngaia raoi bukin are a mate iai?

E rang kakawaki iroun te Atua te kokoaua ao te kakoro bukin am taeka. Aio bon te b'ai ae koaua inanon ara kabwi ma ara karea n te bong aei n ai aron are n aia m'aene ni boo-aba Anania ma Tabeire. Te Atua E bon aki kairoroa temanna b'a e na berita b'a e na anga te m'aiti ni m'aene ae kataua b'a ana karea ni katoa nam'akaina. Ma ngkana ti berita nako Ina, ao e bon ota raoi ae te Atua E kantaningaira b'a ti na kawakina ara berita anne.

Ma tera arona ngkana ti a tia n aki kakoroa nanon anne n te tai are nako? Ti riai n aki reitanako ara kewe nakoira ao nakon te Atua. Ti kona ni koaua nakon ara berita n te tai teuana ma teuana, n ikitaki ma te bong aio.

A rawa ni karimoa te Atua Anania ao Tabeire. Ao e kakaiaki mwiina nakoia ao nakoia aomata ake irarikia. Ana tangira te Atua e kaungaira b'a ti na karimoa Ueana, ma te katoto irouia Anania ma Tabeire bon te kauring nakoira n te bong aei. Ma ti na aki katotongii. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran lesu, amen.



25

Tuun 19, 2021

NGKE E RAWA NI KARIMOAN TE ATUA TE EKARETIA ARE RAORIKEAIA

E kona ni kanganga karimoan te Atua. Tera ae ti kona n reiakinna iroun te ekaretia are Raorikeia, ngke e matoatoa irouna karimoan te Atua? Ti tuangaki ae e bon rinanon te kanganga te ekaretia are i Raorikeia ibukin karimoan te Atua. A bon aki rawa nakon te Atua, ma E bon aki moanib'ai te Atua ni maiuia.

Iesu e arana aroia anne b'a aki bue ke ni mariri. Aio taekana n te Baibara ae b'anin:

"Te Amene are te Tia Kaotioti are kakaonimaki are koaua, are Moaia aika karikaki iroun te Atua, E kangai. I atai am m'akuri, b'a ko aki mariri ao ko aki bue. Ko bia mariri ke ni bue! Ao ngkai ko ang teutana—ao ko aki mariri, ao ko aki bue naba—ao N na mumutaiko mai Wiu. Ngkai ko kangai, I kaub'ai ao a kabatiaaki au b'ai, ao I aki itiiti n te b'ai teuana.' Ao ko aki ataiko b'a te aomata are e kai nanona ngkoe, ao ko kananoanga, ao ko aki kaub'ai, ao ko mataki ao akea karabaam. Ma ngaia ae I reireiko b'a ko na kabooa te koora ae i Rou, ae kaburoaki n te ai ni kaitiakaki, b'a ko aonga ni kaub'ai; ao kunnikai aika mainaina, b'a ko aonga ni kunnikaiko, ao e aonga n aki kaotaki mamaan aki karabaam; ao te kabira ni mata b'a ko na kabiri matam, b'a ko aonga n noraaba. Akana I tangiriia ao I boaiia ma ni kataereiia n reireiia: ma ngaia ae ko na kakorakorako, ao raira nanom. Norai, I tei irarikin te mataroa, ao I

karebwerebwe: ngkana e ongo B'anaau temanna, ao ngkana e kauka te mataroa, ao N na nakoina, ao N na am'arake ma ngaia, ao ngaia ma Ngai."

Ane tokanikai, ao N na anganna te tekateka ma Ngai n Au kaintokanuea, n ai Arou ngke I tokanikai, ma n tekateka ma Tamau n Ana kaintokanuea. Ane iai taningana ao ke e ongo Ana taeka te Tamnei nakoia ekaretia" (Kaotioti 3:14-22).

E rang n atai ara m'akuri ao nanora te Atua. E atai kab'akara ma ara tokanikai. Iesu E atai ngkana ti baka ni kewe ni kakaonimaki. E kona n noriira rinanon ara mataing. B'a E bon ataira. Anne bukina ae E butim'aaira te Atua. E teimato ni karebwerebwe lesu ni mataroan nanom ni katoabong, ni katoa wiiki, ao ni katoa ririki. N te tai are ti kariaia lesu b'a E na rin, ao karimoan te Atua ngkanne e a rang bebete. E rawa te ekaretia are i Raorikeia ni karimoa te Atua.

Ao e kakaiaki mwiina nakoina ao nakoia aomata ake irarikina. Ana tangira te Atua e kaungaira b'a ti na karimoa Ueana, ma te katoto iroun te ekaretia are i Raorikeia bon te kauring nakoira n te bong aei. Ma ti na aki katotongnga. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



26

Tuun 26, 2021

NGKE E RAWA NI KARIMOAA TE ATUA RUTIBEERO

E kona ni kanganga karimoaan te Atua. Tera ae ti kona n reiakinna iroun Rutibeero, ngke e rawa ni karimoaa te Atua? N tabetai ti tataninga ni karokoa a bane n nakoraoi b'aa nako n ara m'ane ao ni maiura i m'aain ae ti kakaonimaki n ara kabwi ao ara karea. Ao ti tuangiira ni kangai: "Ngkana a nakoraoi b'aa, ao e aki matoatoa naba irou karimoaan te Atua. Ngkana I tia ni karikirakeaki n au m'akuri, ngkana e a baka rikaaki te bakao, ngkana I namakina ae I a kaan riki ma te Atua, ngkana, ngkana ..."

Temanna mai buakoia anera ae moan te tamaroa ao ni korakora inanon te tabo ae moan te kororaoi e nora te tua ni katoabong. Te tabo ae moan te kororaoi aio e aki buokia b'a e na teimatoa ni kakaonimaki, ibukina b'a aio bon te babaire ae ti riai ni karaopia n tatabemaniira ni b'aa ni kabane ake ti rinanona ni maiura. E riki ni kainikatonga Rutibeero n te aro are e aki karimoaa te Atua. E rang kakawaki irouna nanona anne. A rang kakawaki riki i roun Rutibeero ake bon nanona. E a kan riki b'a bon oin atuana. Ae na boni karaoa oin ana tua, b'a e aonga n reke ae te kabanea n tamaroa ni maiuna, n akea ana tokobito te Atua n inaomata.

E aera te Atua ngkai E tangira ae te kabanea n tamaroa n ana taromauri ao ana beku? Iango aikai a teimatoa ni mena i wakaan ara kanganga iaon karimoaan te Atua n ara kabwi ao ara karea. Nanora ma kainnanora aki toki ni mena i moa. Ti iangoira b'a m'aitira riki kainnanoan te m'ane iroura ni

kabotauaki ma are e kainnanoia te ekaretia.

Ao ti kauntaeka: "E aki kainnanoa te m'ane aei te Atua. E boni kona uotana te ekaretia. I riai riki ni kabongana bon ibuku."


N taraakina teuana, ao eti aei. B'a te Atua ao te ekaretia aki kainnanoa am m'ane. Ma ara anganga bon tiaki ibukin te b'ai ae kainnanoaki, ma e rang tara riki te kakaonimaki ao te nanorinano. B'a te Atua bon te Atua ao tiaki ngaira. N te m'akoro teuana, ao te Atua E tuatua te kabwi bon ibukin kab'aiara. Ara kabwi ao ara karea bon te b'ainaoraki ae katoka te m'angainrang ma te tiorobeke.

Tataningaan taai aika ti taku b'a a riai bon te kawai nakon aki karimoaan te Atua ni maiura.


E weweteira te Atua b'a ti na kaaki ake a taku nanora n te bong aei ao ni kariaia te Atua b'a E na kauki mataroani kakab'aiia mai karawa.

E rawa ni karimoaa te Atua Rutibeero. Ao e kakaiaiki mwiina nakoina ao nakoia naba anera ao te botannaomata. Ana tangira te Atua e kaungaira b'a ti na karimoaa Ueana, ma te katoto iroun Rutibeero bon te kauring nakoira n te bong aei. Ma ti na aki katotonga Rutibeero. Ngkai a rikoi kabwi ao karea riikan, ti a karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



KATENIUA NI KUATA
**TAANI MANGA KAETI, TAANI
MOANI KUNEA TE EKARETIA
& MITINARE AKE
A MOTIKIA B'A A
NA KARIMOA TE
ATUA**



Tuurai 3, 2021

NGKE A KARIMOA TE ATUA TENAAN WAROTENTIETI (WALDENSES)

A bua aia b'ai ni kabane Warotentieti ngke a karimoa te Atua. E ngae naba n anne, ao aki konaaki. Tera ae ti kona n reiakinna irouia tenaan Warotentieti n te bong aei ae na buokira b'a ti na karimoa te Atua ni maiura? Inanon te ka-12 n tienture, ao e katabua te Baibara te Ekaretia Katorika n Room b'a e na aki warekaki ao n ataaki kanoana irouia aomata. Ao e tauraoi te b'ainikiriinaki irouia ake a kaaitara m'aakan te ekaretia ao riki te Boobe. E a riki te Aro ni Boobe (papacy) b'a te man are n te Kaotioti inanon te Baibara.

Inanon tain te rotongtong aei n te rongorongo, ao e katikui kaub'aina Peter Waldo ao e anga maiuna b'a e na buokia aomata. Ao e a moanaki naba te waaki iaon Buranti ngke a katikui kaub'aina kaain te aro aika taani kabarabara ao ni kabanea maiuia n ira ana koaua te Baibara. Aia boto ni kantaninga Warotentieti boni karikan te Baibara b'a e na kona ni warekaki n te taetaenikawai ae a bane n ataia aomata.

N 1179, ao a nako Room Waldo ma raona, ike a butim'aeaki ioun Boobe Alexander te Kateniman ao te Kabowi n Room. Ao a riai ni kab'arab'ara aia onimaki i mataia taama aika taan titiraki aika teniman. E aki matoa raoi mwiin te boowi aei, ma ni bon te ririki naba anne, ao e kabuakakaaki ana iango Waldo ioun te Kauntira n aro ae te (Third Lateran Council). Ao a waakina naba aia waaki Waldo ma raona ae te m'am'ananga man te kawa teuana nakon are teuana ao ni kaitibo ma raoia ni

Warotentieti aika uarereke. Ao a karaoa te kaotibure ao waaki n taromauri. E ataaki te tia kab'arab'ara ae te Warotentieti n te ara ae barba. Ao a na katana te barba n rokona irouia ao ni buokia ni karaoi babaire ibukin m'anangana nakon te kaawa are imwiina.

A bane ni bua aia b'ai nako te koraki aei ao a birinako aon maunga ma b'anganimatang. A teimatoa ni karimoa te Atua man kab'aranakoan te Baibara nakon te aomata are kona n reke irouia. Ao a kakoaua aia waaki aei b'a te ota inanon te roo. Boni ngaiia aika katea moan te waaki ni kaaitara irouia Borotetanti ae ataaki b'a te Manga Kaeti irouia Borotetanti (Protestant Reformation), ao e kaainaki irouia nikira n aomata aika rawa ni kamoanib'aia mwengaraoia nakon Uean te Atua.

Ti weteaki b'a ti na riki b'a te nikira n te bong aio—mwaane, aine ao ataei ake a teimatoa ni kakaonimaki nakon Ana Taeka te Atua man karimoaan Uean te Atua n taai nako.

A karimoa te Atua Warotentieti, e ngae ngkana a na bua aia b'ai ni kabane. E kaungaira aia ninikoria n te bong aei. Iesu E anga b'aai ni kabane ibukin kabooan kamaiuara ao Ana tangira e kaungaira b'a ti na karimoa Ueana inanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



28

Te Kanuuring ibukin John Huss n te tikuea inanon te kawa ni kawai ae Prague, Czech Republic

Tuurai 10, 2021

NGKE E KARIMOA TE ATUA JOHN HUSS

E kabua maiuna John Huss ngke e karimoa te Atua. Tera ae ti kona n reiakinna iroun John Huss n te bong aei ae na buokiira b'a ti na karimoa te Atua ni maiura? Inanon te ka-14 n tienture, ao e waaki te Ekaretia n Room ni kaboonaakoi b'ain te aro nakoia utu ake a tangira te karaunano ae a mena i karawa kaain aia utu ake a tia ni mate, ao aki bue n aki toki i moone. A tauraoi ni b'ainikiriinaki aomata ake a kaaitara m'aakan te ekaretia ao riki te Boobe. Ao man aei ao e a riki te aro ni Boobe b'a te man n te taetae ni burabeti are taekinaki n te Baibara. Inanon te tai n roo aei n rongorongan te botannaomata, ao John Huss bon te tia kab'arab'ara iaon Prague, n te Czech Republic. Ao e taetae ma te aki wimakiiki ni kaitarai keewe ao e katana te koaua are e kunea inanon Ana taeka te Atua. E ngae naba ngke e riki b'a te taenikai, e teimatoa ni karimoa te Atua.

Ngke e botaki te Kauntira ae Constance, ao e tuangaki Huss b'a e na riai n roko n te boowi anne ao ni kaota ana koaua. Ma ngke e roko, ao e a bon tauaki naba ao ni karinaki n te matawariki. Ao e a uotaki naba nako matan te kauntira ao n tuangaki b'a e na buuta ana koaua. Ma e taku Huss, "I bon aki kona ni kaaki te koaua e ngae ngkana I anganaki te um'a n taromauri ae te koora!" Ngke e rawa ni kaaki ana koaua, ao e a manga moani karinaki n te matawariki. N Tuurai 6, 1415, ao e kauraaki i oin te kai Huss ibukin kaitaraan ana reirei te Ekaretia Katorika. Ao ngke e tabe ni bue, ao e kona n ongo te aba b'a e anenea te Areru.

A m'aiti kawai ae e a tia n aki kubaraki te koaua ao n ribaaki n te bong aei. Ti aki toki ni kaewenakoaki

b'a ti na kaaki ara koaua n aro aika uarereke ke ni bubura. Te Atua E teimatoa n inaoira b'a ti na anga nanora nakon te koaua. N tabetai ao te motinnano aei e kairiiri nakon te b'ainikiriinaki ao te mate. Bon angiira ae ti kona n taku b'a bon te b'ai ae ririki. E ngae n anne ao ti riai ni karekea te korakora mairoun te Tamnei are Raoiroi b'a ti na karimoa te Atua e ngae b'a tera ae riki.

Ti kakab'aiaaki n rongorongoia m'aane ma aine aika anganako mwengaraoia n te aonnaba aei ibukin te mwioko are E anga lesu nakon te ekaretia. Te rongorongo ae raoiroi ibukin te kamaiuaki e kona n aki reke iroura ngke arona b'a aki ninikoria te koraki arei. N te tai aei, ao ai manga ara tai ngkanne ni karimoa te Atua ao ni kakoroa bukin te mwioko aei. E karimoa te Atua John Huss, e ngae ngke a bane ni bua ana b'ai ni kabane. E kaungaira ninikoriana n te bong aei. lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran lesu, amen.

29



Kanuuring ibukin Martin Luther i Eisleben

Tuurai 17, 2021

NGKE E KARIMOA TE ATUA M'AATIN RUTERU

A bua ana b'ai ni kabane M'aatin Ruteru ngke e karimoa te Atua. E ngae n anne, ao e aki kaakibai. Tera ae ti kona n reiakinna iroun M'aatin Ruteru n te bong aei ae na buokiira b'a ti na karimoa te Atua ni maiura? Inanon te ka-1 n tienture, ao te Ekaretia Katorika n Room e a kairiia aomata b'a na kakoaua ae a kainnanoa te ekaretia b'a e na karoko iroun Kuristo ao ni karekea te kamaiuaki. Ao e tauraoi te b'ainikiriinaki nakon ane kaitara m'aakan te ekaretia ao riki te Boobe. E a riki te Aro ni Boobe b'a te man n te taetaeniburabeti are kaotaki n te Baibara.

Inanon te tai n roo aei n rongorongan te botannaomata, ao M'aatin Ruteru bon te tama n te aro ni Katorika n Room ae moan te kakaonimaki. Ao ngke e wawareka te Baibara, ao e ataia ae aomata n tatabemaniia a kona n reitaki ni kaeineti ma te Atua, n aki kainnanoa te aomata ae na riki b'a te tia tei imarenana ma te Atua. Iaan m'aakan te Baibara, ao Ruteru e kaewenakoa m'aakan te aomata ae te kabanea ni m'aaka n te buraneti n te tai arei, ae Boobe Reo te Katengaun. Ruteru e reirei ae te kamaiuaki ao te maiu are aki toki aki reke man m'akuri aika raraoi ma e reke ti man Ana b'aintangira te Atua are Ana akoi inanon ana onimaki te aomata iroun Kuristo lesu ae te Tia kamaiua te aba man te bure. Ao ana reirei e kaewenakoa m'aakan ao nakoan te boobe man ana reirei ae te Baibara bon ti ngaia Ana kantanninga te Atua, ao e kaaitara te nakoa n ibonga ao n taekiniia Kiritian aika tia ni b'abetitoaki b'a te koraki n ibonga ae itiaki. Ao e kabaneaki ao ni b'ainikiriinaki iroun te ekaretia Katorika n Room ao te emberoa n Room. Ma e aki katokia aei man karimoan te Atua ao ana koaua ae matoa. Ao n oin

ana taeka, ao e koroboki M'aatin Ruteru ni kaota aron te kaiangatoa ae rinanona n te anene n nebo ae ataaiki: "Te Taua ae Korakora" (A Mighty Fortress).

Te taeka anne bon i aon m'aaka ni kabane n te aonnaba, akea ae karab'aia; Te Tamnei ao b'aai n tangira bon ara b'ai i Roun Teuare E mena n ara iteri: Ke a nako b'aai ma aomata, ao te maiu ae mamate aio naba; Te rab'ata aio a kona n tiringnga: Ma e bon teimatoa naba Ana koaua te Atua, Akea tokin Ueana. E karimoa te Atua M'aatin Ruteru, e ngae ngke e kabuui b'aai ni kabane. Ana ninikoria e kaungaira n te bong aei.

Iesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran Iesu, amen.



30

William Tyndale mai Tindale ngke e angan te tia taraia buure te rongorongo nakon John Rodgers

Tuurai 24, 2021

NGKE E KARIMOAA TE ATUA WILLIAM TYNDALE

A bua ana b'ai ni kabane William Tyndale ngke e karimoaa te Atua. E ngae n anne, ao e aki kaakibai. Tera ae ti kona n reiakinna ioun William Tyndale n te bong aei ae na buokiira b'a ti na karimoaa te Atua ni maiura? Inanon te ka-16 n tienture, ao e a tia te Ekaretia Katorika n Room ni katabua warekan te Baibara ao ataakina irouia aomata. Ao e na b'ainikiriinaki te aomata ane kaitara m'aakan te ekaretia ao riki te Boobe. E a riki te aro ni boobe b'a te man n te taetaeniburabeti are kaotaki n te Baibara. Inanon tain te roo n rongorongan te botannaomata, ao e riki William Tyndale b'a te ota ae buoka te bitaki n te rongorongo man katauraoan te Baibara n te taetae n Imatang.

Ana rairai Tyndale bon te moani Baibara n te taetae n Imatang ae rairaki bon man te taetae n Ebera ao te Kuriki. Ao bon te moan rairai naba n Imatang ae kawia te boreeti, are bon te rabakau ae te kabanea ni boou n te tai arei ibukin kabutanakoan te rongorongo. Aio are e a aitara naba iai ma te ekaretia, are e taku b'a akea rabakaun te botannaomata ae kona n ota iai n te Baibara ma ngaia are a kainnanoa te ekaretia b'a e na karaoa anne ibukiia. E birinako mai Engiran Tyndale ao e karekea manona n ana aono n tautaeka te emberoan ni Katorika ae Charles te Kaniiman. N 1535, ao e katikaki Tyndale ao ni kamatawarikaki n te kaatere i Vilvoorde (Filford) itinanikun Brussels e raka iaon teuana te ririki. N 1536, ao e nako te moti b'a e bure ni kaaitara ana koaua te ekaretia ao e tiringaki ni koonaki roroana ni karokoa matena, ao imwiina e kauraaki rab'atana i oin te kai.

Ni kabanean taekan ana tatato ngke e nang mate b'a a na kaureaki matan uean Engiran. Ao e kaekaaki ana tatato. B'a e aki rang maan imwiin are e anga maiuna ibukin karimoaan te Atua iouna, ao e a barongaaki te rairai ni Baibara ae te King James Bible ao ni kamatoaaki ioun uean Engiran. Te Baibara anne, boni ngaia aan te botannaomata ae i maeao are e noraki iai b'a e a tia Tyndale ni buoka bitakin te aonnaba man karokoan te rairai ni Baibara ae e a kona ni warekaki ao n ota iai te aomata ae e aki rang rabakau te taetae n Imatang.

Ti weteaki b'a ti na buokiia aomata b'a a na ota n te Baibara aonga n nora te inaomata, te kamaiu ao te kantaninga inanon lesu. Ngkana ti kakaonimaki ma ara kabwi ao ara karea, ao ti buoka uotakin aia rongorongo Anera ake teniman nakon te aonnaba ni kabuta n aron are E taku te Atua.

E rang kakawaki karimoaan te Atua man m'aanenakin waaki. E ngae n anne, ao ti riai naba n anga ara tai ma korakorara nakoia aomata aika irarikira, ni kaungaia b'a a na ata riki Ana tangira te Atua. E karimoaa te Atua William Tyndale, e ngae ngke a bua ana b'ai ni kabane iai. Ninikoriana e kaungaira n te bong aei.

Iesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoaa Ueana inanoni maiura. Ngkai a rikoi kabwi ao karea riikan, ti a karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



31

Tuurai 31, 2021

NGKE E KARIMOA TE ATUA WILLIAM MILLER

E araranaki William Miller b'a te rangrang ngke e karimoa te Atua. E ngae anne ao e aki kaakibai. Tera ae ti kona n reiakinna iroun William Miller n te bong aei ae na buokiira b'a ti na karimoa te Atua ni maiura? Bon te m'aane ae tataua ma nanona are e bon aki kona ni kakoaua te Baibara b'a te boki ae koaua. Ma imwiin te b'ai ae riki ae aki kona ni kab'arab'araaki inanon ana tai ni buaka, ao e a bon maenikun naba ana taratara William Miller ibukin te aonnaba. E titirakinna bon irouna ni kangai, "ngkana arona b'a tuan te karikib'ai bon ti ngaia te korakora ae m'am'akuri n te uniweeti, e aera ngke l aki mate ngke e rebwetaua te boom n rang ni kaan ma ngai?" Ao e a motikia naba b'a e nang moana ana kamateb'ai n te Baibara. N ana tabo ni man i Whitehall, New York, ao e babaekina te wareware Miller ni kan ata nanon te Baibara, te kibu imwiin te kibu. Ao e bane uoua te ririki iroun Miller n ana kamateb'ai aei—1816 nakon 1818—ao n te tai anne ao e a korakora ana tangira ibukin ana Tia Kamaiu ae lesu Kuristo. Teuana ibuakon ana kukune Williams ae moan te kakawaki bon te taetaeniburabeti iaon te 2300 "te tairiki ao te ingabong" are kuneaki inanon Taniera 8:14. Te taetaeniburabeti anne e taekina te b'ai ae na riki ae moan te kakawaki e nakon 1843 ke 1844 ao e kaungaaki b'a e na tib'a te atatai aei ma aomata aika bati n aron are kona. E ngae n anne, ao bon tiaki te tia kab'arab'ara ngaia ao e a rawa ni karaoia. Ngke E kaumakia te Tamnei are Raoiroi b'a e na tib'a te b'ai are e kunea, ao e butiia te Atua b'a E na kaota raoi riki te wewete aei. Ngkana iai ae tuangnga b'a e na tib'a te rongorongo aei, ao anne bon te kanikina i marenana ma te Atua b'a e riai ni karaoia.

E kee iaan teuana te aoa imwiina, ao e kaoti naba

ana koraki n ana tabo ni man n tuangnga b'a e na taekina te b'ai are e kunea. E un n te moan tai Miller b'a e taku b'a E a kanakoa naba te kakao aei te Atua n te aro ae moan te waekoa. Ma bon te aomata ae kan kakakoroa bukin ana taeka. Ao n te bong anne ao e karimoa te Atua Williams Miller ao ni moana kabarabaraan te rongorongo ae moan te tikiraoi aei ae E bon aki kitana te aonnaba te Atua ao E na manga bon oki ni karaoa te b'ai ae kakannato. Ana kabarabara aei are e kairia nakon te tai ni b'arannano ae korakora are n Okitob'a 22, 1844. Irabubua ma iraua te nga te aomata ae a kakantaninga lesu b'a E na oki n te bong anne—ma E aki oki lesu. Ma te b'ai ae E karaoia lesu n te bong anne b'a E a moana Ana m'akuri inanon te Tabo are Moan te Tabu inanon te um'anibotaki are i karawa. Ao boni man te b'arannano aei are E a weteia naba taani moani kunea te Ekaretia ni Kaitibong n Tataninga Okin lesu, te Atua. N te bong aei ao kaain te ekaretia ni Kaitibong n Tataninga Okin lesu a taetaekina te rongorongo ae raoiroi iaon rokon lesu ae e a kaan nakoia aba ae raka iaon 200 n te aonnaba. Mirion ma mirion aomata ae a kakantininga ngkai ibukin karimoaan te Atua iroun Miller. E karimoa te Atua William Miller, e ngae ngke e b'ainingareaki. Ana ninikoria e kaungaira n te bong aei. lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

**Tamara are i Karawa, ti taromauriiko n te
ingabong aei ma ara kabwi ao ara karea. Ti
tataro ibukin te korakora b'a ti na karimoako
inanoni maiura. Inanon Aran lesu, amen.**



Aokati 7, 2021

NGKE E KARIMOA TE ATUA JOSEPH BATES

E araranaki Joseph Bates b'a te rangrang ngke e karimoa te Atua. E ngae n anne, ao e aki kaakibai. Tera ae ti kona n reiakinna iroun Joseph Bates n te bong aei ae na buokiira b'a ti na karimoa te Atua ni maiura?

Bon te kaaben ngaia n te kaibuke ngke e moan ongo ana rongorongo William Miller iaon manga Rokon Kuristo. Ao e noria b'a e boni koaua. Bates bon te aomata ae e karimoa te Atua ni b'aai ni kabane, ma ngaia are e anga korakorana, ana m'an e ao e kabonakoa naba ana auti ni buoka kabutanakoan te rongorongo iaon te Kauaoki. E ngae n anne, ao ana angakarea Bates e rimwiiaki ma aki butim'aean te rongorongo iroun natina ao e kitana mwengana ma te un ao ni moana ana m'akuri ni kaimoa.


Ma e aki kaakibai e ngae a aki bane ni koro nanon b'aai ake e kantaningai. E roko te ririki 1843 ao e taonnako—ao E aki oki Kuristo. Ao te B'arannano ae Korakora are n 1844 e ioioa ana onimaki Bates ao taani kakoaua Miller. A riki b'a b'aai ni ngare irouia ake a mena irarikia ao a kairoroaki b'a n te manga moani katei maiuia inanon te aki kaub'ai, Ngkai a tia n anga b'aai ni kabane ibukin aia koaua. Ma Bates ao raona, a manga moan okira aia kamateb'ai n te Baibara ao a noria ae te bong are kanikinaea ngkoa okin Kuristo, Okitob'a 22, 1844 bon te bong are E rinnako iai Kuristo inanon te um'anibotaki are i karawa b'a te Tia Raoi i Matan te Tamana ibukia taan onimaki.

Ma a teimatoa kanganga. N te bong teuana ao ai bon akea kanan Bates n ana auti. Ao e bubuti nakon te Atua ao e berita b'a e na kakaonimaki e ngae b'a tera ae na riki. Ao n te bong anne ao e roko te tinaniku teuana ma kanoana te m'an e ae tau ibukin

maiun Bates. E a tia te Atua ni kaunga nanon te aomata temanna b'a e na kanakoa te m'an e aei b'a e na tauraoi i m'aain te bong are e e na bon rang kainnanoia iai Bates. Ao ngke e reitanako ana kamateb'ai ma raoraona, ao e kunea te koaua Bates iaon taekan te Taabati ae te Kaitibong

ao e ti'ba aio nakoia raona n onimaki, aika James ma Ellen White. Te kurubu ae uarereke aio irouia taani kairiiri boni ngaia are e a katea naba te Ekaretia ni Kaitibong ni Kariaria Manga-Okin lesu, are e a tia n rikirake b'a te aro ae kakam'akuri n te aonnaba ni kabuta. E karimoa te Atua Joseph Bates, e ngae ngke e b'ainingareaki. Ana ninikoria e kaungaira n te bong aei. lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



“Teuana te b’ai ae I butiia lehova,
ao boni Ngaia ae N na ukoukoria:
B’ a N na maeka inanoni
m’aneaban lehova n ua tokin au
bong ni maiu, b’ a N na taratara
tamaroan lehova ma n ukeuke
inanoni m’aneabana.”

TAIAN ARERU 27:4
ENGLISH STANDARD VERSION



33

Aokati 14, 2021

NGKE E KARIMOA TE ATUA JAMES & ELLEN WHITE

Ataei riki James ao Ellen White ngke a motikia b'a na karimoa te Atua. Aio are e kabuai aia b'ai ni kabane ma aki b'ara nanoia. Tera ae ti kona n reiakinna irouia James ao Ellen White n te bong aei ae na buokiira b'a ti na karimoa te Atua ni maiura?

James White bon te mitinare ae e a tia ni kabiraki n 1843 imwiin riniia 1000 te aomata n ira te waaki ni kariaria n ana kababarara. E m'akuri ma te aki motirawa ni kabuta nako te rongorongo ae raoiroi ae na manga oki lesu n 1844. Nei Ellen bon te aine ae aki rang raoiroi raoi marurungina imwiin ikoakina ngke e uarereke. Ao a karaoa aia babaire ana utu b'a a na kakoaua te Baibara ma tiaki katein te ekaretia. Ibukina b'a a karimoa te Atua, ao e kairoroaki ana utu b'a a na kitana te ekaretia are e mena ngkoa iai ao te kaawa are a rang n ataia inanon ririki aika bat. E kaitibo James ma Nei Ellen bon imwiin te tai ni b'arannano ae korakora n Okitob'a 22, 1844, ao a mareaki inanon te ririki 1846. Ibukin banen nanoia n te koaua, ao akea mwengaia inanon aia ririki ni mare ae onoua, n tabetai a maeka ma aia karo ke raoraoia. Inanon Nobemb'a 1848, ao e kaotaki nakon Nei Ellen White te mii ae na moana boretiakin te rongorongo James, ao b'a e na rikirake ni karokoa e ota otana ni katobibbia te aonnaba. E bobuaka te boreeti ao e tara ni kanganga ibukia. Ma a motikia b'a a na karimoa te Atua ao a moanna naba n roroko m'aane ni buoka mairouia taani wareware ake a tia ni bitaki maiuia.

E moa man 1849, ao e waaki James ni boretiia te b'eeb'a ni wareware ae "The Present Truth. E riki b'a The Review and Herald n 1850.


Inanon aia angakarea kaain te kurubu n onimaki ae uarereke, ao e rikirake te waaki n aro ae katuruturu



iaon te Baibara ni kabanea. N 1863, ao e a tei te General Conference ibukia kaain te Ekaretia ni Kaitibong.

E karimoa te Atua James White ni b'aai ni kabane. E aki bane ana reirei ma e reiti nako ana m'akuri ao n otinako aua bee'ba ni wareware, uoua auti ni boreeti, ao teuana te kuura n reirei ae rietata, ae ataaki ngkai b'a Andrews University. E moana waakin te ekaretia, ao n riki b'a te mataniwi, ao e boretiia ana boki n anene. Ngkai te tia bitineti naba ngaia imarenan ana tai, ao e kabooa ao ni kabonakoi auti ni maeka, e waakina te karikirake irouia maan ao e baobaona te miure mai Texas nako Kansas n reitinako nako Chisholm Trail. Ellen White bon te tia nonori mii ni kaotioti aika bat. Ao boni ngaia ae moana kamatoaan reiakinan te Baibara ao ni kakorakora te kairiiri inanon te ekaretia ni kaitibong ni kariaria manga okin lesu ae moan te birim'aaka. Ma karimoaan te Atua e tangira te angakarea. James ao Ellen White aki b'ara nanoia e ngae ngke a bua natiaa m'aane aika uoman n te aoraki. A karimoa te Atua James ao Ellen White, e ngae ngke a bane aia b'ai ni bua iai. Aia ninikoria e kaungaira n te bong aei. lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



34

Aokati 21, 2021

NGKE E KARIMOAA TE ATUA JOHN ANDREWS

John Andrews bon te aomata ae rang wanawana ao ni konab'ai ae kona n riki ni kaub'ai ao ni korakora. Ma e aki, b'a e karimoaa te Atua ao e anga b'aa ni kabane ibukin uotakin te koaua ae boou nakon te aonnaba. Tera ae ti kona n reiakinna iroun John

Andrews n te bong aei ae na buokira b'a ti na karimoaa te Atua ni maiura? John Andrews bon te aomata ae rang bubura ana konab'ai. Ngke ai tib'a 13 ana ririki, ao e rairaki ao ni butim'aea lesu b'a ana Tia Kamaiu. Ao e ribana tangiran te Baibara ngke e rang n ataei ao e bon reireinna b'a e na wareka te Baibara n te Ebera, te Kuriki ao te Ratine. Ngke e reiakina te rongorongo iaon te Taabati, ao e noria b'a bon te koaua ao e a motikia naba b'a e na kabanea maiuna b'a e na ata te Baibara ao ni kab'arab'ara kanoana. E ibuobuoki ni katei angin booto ni koaua ibukin te Ekaretia ni Kaitibong ni kariaria Manga Okin lesu. Man karimoaan te Atua, ao John

Andrews e anga wanawanana ma korakorana ni m'akuri ibukin te ekaretia ae te nikira are n te taetaeniburabeti. Ngke e baireia te ekaretia b'a e na m'anena kam'anangaan te mitinare nako Eurobe, ao bon ti John Andrews ae tau ibukin anne. E ngae ngke e tanginiweneia maten buuna, ma e katikui b'aa ni kabane Andrews ake e a tia ni katei ao ni kaeka te wewete b'a e na kaira ana utu nako tinaniku. E ata te kanganga n te akea ni b'ai ao te aoraki. E ata te kanganga are e na kaitara. Ma e nanom'aaka John Andrews. N 1874, ao e borau i marawa nako Eurobe ma natina aika uoman aika Charles ao Mary. E ngae ngke a tuai rang n ikawai, ma a kaotia ataei aikai b'a bon taani katea rab'atan te ekaretia iaon Tiwiiteran, ni wareware, n rairai, ao n ibuobuoki n aro aika m'aiti ni moana te beeb'a ni kaongora ibukia mitinare ae

Les Signes des Temps—The Signs of the Times. N 1878, ao e kaea te maungatabu John Andrews ao e kaira Mary iaan te koaua ae e a tia n reke iroun natina aei te kangenge. Ngke e roko i Battle

Creek Sanitarium, ao e a kamatoaaki naba te b'ai are e makua. E tiku n ti ngaia Charles iaon Eurobe imwiin tamana ao e koroboki nakon tamana ni kangai "E na kimototo raurenakora ao ngkana ti teimatoa ni kakaonimaki ao ti na manga kaitibo ma raora ake ti tangiria. Ma ngaia ae Pa, tai b'arannano. Ti kabatia ara tataro ibukim."

E kabanea ana tai John Andrews irarikin ana kainiwene natina are Mary inanon ana kabanea ni bong. Ao e motirawa Mary Andrews ngke ai tib'a 17 ana ririki. E okira Eurobe Andrews ma e mate naba n te kangenge tabeua te ririki imwiina.

John Andrews bon te aomata ae wanawana ae rianako inanon ana waaki te Ekaretia ni kaitibong ao b'aa ni kabane ake e a tia ni karaoi boni ngai aika karikirakea te ekaretia n te bong aei. N te bong aei e raka iaon 162,000 ekaretia iaon 207 aba n te aonnaba. A kakaitau nanora nakon te aomata aio are e aki toki ni karimoaa te Atua.

E karimoaa te Atua John Andrews, e ngae ngke a bane ana b'ai iai. Aia ninikoria e kaungaira n te bong aei. lesu E bon anga naba b'aa ni kabane ibukin kamaiuara, ao Ana tangira e kaungaira b'a ti na karimoaa Ueana inanon maiura. Ngkai a rikoi kabwi ao karea riikan, ti a karimoaa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



35

Aokati 28, 2021

NGKE E KARIMOA TE ATUA ABRAM

E karimoa te Atua Abram La Rue, e ngae ngke a taku aomata b'a e a rang kara ao e aki tau b'a te mitinare. Tera ae ti kona n reiakinna iroun Abram La Rue n te bong aei ae na buokiira b'a ti na karimoa te Atua ni maiura? N te ririki 1883, ao ai 65 ana ririki Abram La Rue, ao bon te tia kawakini man ngaia ao te tia koro-kai mai California. Iai ana iango b'a e na uota te euangkerio nako Tiaina. Ngke e koroboki nakon te General Conference, ao a taku b'a e a rang kara. Ao a tuangnga naba ae akea aia m'ané ibukin kam'anangaana. Ma e bon teimatoa ni kan nako, ao e a boni kakaea angana La Rue ni kakaea te kaibuke ae kona ni m'akuri iai are e kona n roko iai i Hong Kong. Ao e roko ikekei n 1888 ao e a moana naba te m'akuri b'a te tia kabo-boki inanon 14 te ririki. Man 1888 nakon 1902, ao e tei bon irouna Father La Rue, n aron are e araranaki iai. Ni Beberuare 2, 1902, ao a roko ni buokia Brother ao Sister J. N. Anderson ao Nei Miss Ida Thompson e roko naba b'a e na buokia. E aki maan imwiina, ao ruaman aomata aika tia ni kairaki nakon te koaua inanon ana m'akuri Brother La Rue, ao a b'abetitoaki. Bon te tai ae riai ibukin uotakin te Koaua n te bong aei nako Tiaina. La Rue bon te tia ririmwiin raoi Kuristo, ae bane nanona n te tataro ma te taromaui. E taotaonakinnano, ao e nanoanga. Nanom'aakana n ti ngaia inanon 14

te ririki n te aba ae raroa nako, n uota te m'akuri ae boni kabooa iai, e kaotia ae iai irouna te b'ai ae kainnanoaki ibukin te m'akuri ni moan katean ekaretia. E aki tabe ma te kanganga La

Rue ao e karimoa te Atua. Tabeuia te bong i 'm'aain matena, ao e kaburea angin ana m'ané ae uarereke nakon te aro i Tiaina. E anga b'aai ni kabane nakon te m'akuri ae tangiria. E taunaki Abram La Rue i Hong Kong are e a tia ni m'akuri iai inanon 15 te ririki. E ngae ngke e bon aki roko n te toko waena iaon Tiaina b'a te mitinare, ma ana m'akuri ni kaukuuki e bon rang kakawaki inanon kawenean aan rinnakon te onimaki ni kariaria n te aba ae te toakaei aei.

E karimoa te Atua Abram La Rue, e boni ngae ngke aki kakoaua tabeman. Ana ninikoria e kaungaira n te bong aei. Iesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauiiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran Iesu, amen.



36

Tebetemb'a 4, 2021

NGKE E KARIMOA TE ATUA C. F. E. THOMPSON

E karimoa te Atua C. F. E. Thompson, e ngae ngke bon iai te nanououa. Tera ae ti kona n reiakinna mai rouna n te bong aei ae na buokiira b'a ti na karimoa te Atua ni maiura? C. F. E. Thompson bon te rorobuaka n ataeinim'aane ae te I-Jamaica ae m'ananga nako Sierra Leone ike e a nora naba te onimaki ni Kaitibong. E b'abetitoaki n 1907 iroun D. C. Babcock ao e riki b'a te tia m'akuri ae kakaonimaki ibukin te ekaretia iaon Sierra Leone. Teutana te tai imwiin b'abetitoakina, ao e kawara Ghana Brother Thompson n te m'ananga ae uarereke n 1909 b'a e na karaoa te waaki ni kabarabara nakoia aomatan Nsimbia iaon Kickam ao Axim, ao e a okira naba Sierra Leone imwiin aei. E ngae n anne, ao iai kanganga iaon Ghana. B'a e mate te mitinare n tia reirei—ae Nei Mrs French—man te aoraki ae te kabuehue. E tuangaki kainnabana b'a e na okira mwengana ao n tararua marurungina. E roko te b'arannano ngkai taraan ae nang akea ae na reitanako te m'akuri iaon Ghana. Antai ae na reitanako kabutanakoan te rongorongo ni Kariaria iaon Ghana? Ao e kaeka Thomson: "N na nako." Ao e tuangaki b'a e na kitana ana m'akuri iaon Sierra Leone ao ni m'ananga nako Ghana n reitanako

te m'akuri are e a tia ni karaoaki iroun te utu mai Buranti. Aio bon tiaki te babaire ae bebete ngkai a rang m'aiti b'aai aika aki ataaki. Ma Thompson bon te aekaki n aomata ae e karimoa te Atua. E roko Brother Thompson i Ghana n taua nakoana inanon Beberuare, 1910, ike e m'akuri inanon uoua te ririki. Ai bon tib'a 36 ana ririki ngke e mate n te ririki 1912. E mate man te aoraki ae te Bright ni Maati 25, 1912.

Imwiin karimoaan te Atua inanon maiuna ae uarereke, ao e matu ngkai Brother Thompson inanon te Uea. N te tai ae aki maan ao e na manga maiu, ao a kona naba matana n nora kauaokin lesu.

E karimoa te Atua C. F. E. Thompson, e ngae ngke e aki atai b'aai aika na riki. Ana ninikoria e kaungaira n te bong aei. Iesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran Iesu, amen.



37

Tebetemb'a 11, 2021

NGKE E KARIMOA TE ATUA GEORGE KING

E karimoa te Atua George King, e ngae ngke e aki butim'aeaki b'a te tia kabarabara n ana ekaretia. Tera ae ti kona n reiakinna mairouna n te bong aei ae na buokiira b'a ti na karimoa te Atua ni maiura? E kakoaua te Atua George King b'a E a tia ni weteia b'a e na taetaekina te rongorongo ae raoiroi iaon te kamaiuaki nakoia aomata ni kabaneia aika maiu. Aio bon te ririki 1880 ao e boni maiu naba James White, ao e motikia King b'a e na titirakinna. A weteia James ao Ellen White nakon aia auti. A rang koaua raoi ae Brother King e rang bane nanona iroun te Atua ma Ana wewete, ma aki rang ataia raoi ae iai te reirei ke te taarena iroun te rorobuaka aei b'a e na kona n riki b'a te tia kabarabara. Uoua te wiiki imwiina, ao e kawara Richard James White ao Hulda Godsmark imwiin te taromauri ao e tib'aua ana tabeaianga, ao e tuangiia b'a a na kaira Brother King ao n noria ngkana e kona n riki b'a te tia kabarabara. Ao e a roko George King ma ana utu Godsmark ao a bairea te tai ae na kona ni kabarabara iai te rorobuaka aei nakoia n aia auti. Ao aikai bon taai n nanomaraki nakoina. B'a e kona n ongo te aba b'anaana im'aain otin taai ao e kona ni kataneiai inanon iraua te aoa n nen kanaia maan, n aki tabe ma te m'aitoro. Ao e a roko te bong ae kariariaaki ao a baireaki kaintekateka. Ma ai bon te kabuanib'ai te kabarabara irouia taan tutuo. Ao a karaua ni kamatata nakoina ae e aki kona n riki b'a te tia kabarabara. E boni matoatoa aron te aki butim'aeaki ao e aki bebete arona. Ma George King bon te aekaki n aomata ae e karimoa te Atua ni b'aai ni kabane, e ngae ngke e na


kananorinanoa ni butim'aea te waewae.

Ao e a moanna n ota ae e a weteaki George b'a e na riki b'a te tia kabarabara iaan auti. Ao e m'aiti ana beeb'a ake e uouoti ao e a moana naba kawarakin auti n tib'a te rongorongo ae raoiroi iaon te kamaiuaki ao e kabonakoi beeb'a ma booki ake e uouoti. E aranaki te m'akuri aei b'a te kaboo-boki (colporteuring). E kaniia 30 te ririki, ni karokoa matena n 1906, ao e a tia George King n reiakiniia irabubua taani kaboo-boki

iaon Amerika Meang ao Maiaki ao te West Indies.

Ana waaki King e kaungaia taani katea te ekaretia inanon te m'akuri ni kabo-boki ni katobibiiia te aonnaba, n ikotaki ma William Arnold i Aotiteria, Abram La Rue i Hong Kong, Albert Stauffer i Brazil, Herbert Meyers i Burma, ao Robert Caldwell i Biribin. N te ririki 1886, ngke a tuai rang m'aiti naba mitinare, ao a waaki 400 taani kabo-boki ni katobibiiia te aonnaba ni kabonakoi booki man te auti teuana nakon teuana. E karimoa te Atua George King, e ngae ngke e aki butim'aeaki b'a te tia kabarabara. Ana ninikoria e kaungaira n te bong aei. Iesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran Iesu, amen.



38

Tebetemb'a 18, 2021

NGKE E KARIMOA TE ATUA ALBERT STAUFFER

E karimoa te Atua Albert Stauffer ngke e kitana oin abana n riki b'a te mitinare. Tera ae ti kona n reiakinna mairouna n te bong aei ae na buokiira b'a ti na karimoa te Atua ni maiura?

Albert e kona n reitanako kukureina ma mwengaraoina ao tanna bon ni mwengana. Ma Albert bon te aekaki n aomata ae e karimoa te Atua, ai ngaia are e kaeka te wewete man te General Conference b'a e na m'ananga nako Brazil ni kabonakoa beebwan te koaua ae boou. Aio bon te ririki 1894 ao e aki ataaki b'a tera arona ngkai e na maiu ti man ana m'ane are reke man ana boki. E ngae n anne, ao e a rang matoatoa riki ana m'akuri ibukina b'a aki boretiaki ana boki aikai n te taetae ni Botukare. Ma te kakaitau b'a iai mitinare aika a tia ni katei aia tabo ni boreeti ao a karaoa naba te tiititem ae ko kona ni koroboki iai, n raitaeka ao ni boretiia ana rongorongo. Uoua te ririki imwiina, ao a nako Albert ao raona ni kaboboki ni kawara te ekaretia ni Kiritian iaon Curitiba, te koaua Lee b'a E na atuun kawan Parana, i maiakin Brazil. Nei Mrs Ana Diedrich Otto bon te tia tobi ae kinaaki n te kaawa ao e mena n te taromauri ao e a rang kakiriweeaki ana kantaninga ngke e noriia rorobuaka aika uoman b'a a ira te taromauri ao e aki kinaiia. E a bon otara naba ae tiaki kaain aia kaawa aomata aikai. N te wiikente are imwiina, ao e a manga noria naba rorobuaka aikai Nei Mrs Otto n te taromauri.

Ngke e a ongora irouwia ao e a motikia b'a e na kabooa ana boki mairouia iaon—"Maiun Lesu"

n te taetae n Tiaman. N te Sunday are imwiina, ao a manga moan kaitibo naba ao ni kabanea te ingabong anne n reiakina te Baibara. Ao n tokin te tai, ao a butim'aea te onimaki ni kariaria Nei Mrs Ana ao kainnabana ae Emilio Otto. A tia taani kabo-boki n anga maiuia ibukin tib'atib'aan booki ni kamaiu iaon Brazil, Argentina, Uruguay ao aba riki aika m'aiti iaon Amerika Maiaki ao te aonnaba. Ni katoa ingabong, man te auti teuana nakon are teuana, ao a karimoa te Atua ni maiuia. Ngke akea ngaiia, ao e na aki kona n roko aia rongorongo anera ake teniman iaon aba ae raka iaon 200 m'aitiia n ai aron ae noraki n te bong aei.

E karimoa te Atua Albert Stauffer ni katoabong b'a te tia kabo-boki ngaiia.

Ana ninikoria e kaungaira n te bong aei. lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Lesu, amen.

39



Tebetemb'a 25, 2021

NGKE E KARIMOA TE ATUA WILLIAM A. SPICER

E karimoa te Atua William A. Spicer ngke e m'am'ananga nakon te aonnaba ao ni katea ana boto n iango te Aro ni Kaitibong. Tera ae ti kona n reiakinna irouna n te bong aei ae na buokiira b'a ti na karimoa te Atua ni maiura? Ai bon tib'a 22 ana ririki Spicer ngke e borau nako Engiran ni katea ana m'akuri te ekaretia ikekei. E a manga okira Amerika ni m'akuri n te General Conference b'a te tia koroboki n te waaki ibukin aba ake itinaniku ike e a manga waakina kabuburaan riki te aro ni karekean te aba iaon Zimbabwe are e waaki iai ngkai n te bong aei te kuura ae rietata ae te Solusi University. E a manga nako Inria Pastor Spicer n 1898, ike e riki b'a temanna ibuakoia mitinare aika teniman ni katabuaki. Bon Spicer ae moani kunea te beeb'a ni kaongora ae te

Adventist periodical ao e katea te aa ae raoiroi ibukin rikiraken te ekaretia. Ngke e okira Amerika n 1902, ao e riki Spicer b'a te Tia Koroboki Tienera n te General Conference. Teuana ibuakon katabeaki aika kakawaki iroun te tia koroboki boni kakanakoia mitinare nakon aba nako, are e wakinna Spicer inanon 20 te ririki. Aio bon te m'akuri ae kanganga ibukin te m'am'ananga ao ibukin kanakoia ao kaokaia utu man te Kaontenanti ae Amerika ao ni manga oki. Spicer e karaoa te babaire ae e a kona te ekaretia n rababa nako riki. Ao te Atua E a manga wetea Elder Spicer b'a e na riki b'a te Beretitenti n te General Conference inanon 8 riki te ririki.

E aki toki ni karimoa te Atua Spicer. E aki tabe ma te kanganga ke te mwengabuaka n rekereke ma te m'am'ananga n te aonnaba inanon moan te kauabwi n tienture, e a tia ni m'am'ananga nako aban te aonnaba e kuri katoa ririki. N tabetai karimoaan te Atua e tangira te angakarea ae bubura b'a ti na karaoia n te tai ae uarereke. William A. Spicer e kaotia inanon ana m'akuri ae karimoaan te Atua ni b'aai ni kabane bon iai mwiina ae bubura nakon te aonnaba.


Te Ekaretia ni Kaitibong ni kariaria Okin Iesu e teimatoa ni kakanakoia mitinare ma aia utu b'a a na uota te rongorongo ni kariaria nakoia baronga ni kabane, ma taian taetae ma kurubu n aomata nako. E karaoa te babaire aei Spicer ibukin te mition, ma ngai ao ngkoe ti kona ni kateimatoa inanon ara kabwi ao ara karea. Ai kab'aiara ngaira ngkai ti karimoa te Atua ni b'aai ni kabane aika ti karaoi.

William A. Spicer e karimoa te Atua te ririki teuana imwiin teuana inanoni maiuna. Ana ninikoria e kaungaira n te bong aei. Iesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.

KAAUA NI KUATA

**AOMATA N TE BONG AEI
AE A RINEIA B'A A
NA KARIMOA TE
ATUA N TE BONG
AEI**



40

Okitob'a 2, 2021

A KARIMOA TE ATUA ACE & ROENNA SINTOS

A motikia Ace and Roenna Sintos b'a a na karimoa te Atua n aki tabe ma makuia ao raraomaia ni kanoan te tai ae na roko. Anne are e moanna naba n reke te bitaki irouia. Tera ae ti kona n reiakinna man rongorongoia ae na buokiira b'a ti na karimoa te Atua ni maiura?

Ace and Roenna boni kaain Biribin. Ao bon taani m'akuri ngaiia n te tautaeka, ao n taui nakoa aika ririeta inanon ririki aika bat. Ngke e reke ana kanganga Roenna ni bikoukouna, ao ai aron ae e a bitaki naba aia kantaninga. Akea riki ana iango Ace ma ti te butiaaina ao n tararua raona aei. Ngke e a marurung Roenna n te aro b'a e a kona ni manga okira ana m'akuri, ao e a manga m'akuri n te botaki n reirei. Ma iai ana babaire Ace ae kaokoro. E namakinna b'a titebo b'a e weteaki iroun te Atua b'a e na kabanea ana tai n te m'akuri ni mitinare inanon te kanakorongorongo. Ma te kananokawaki b'a, e rang uarereke te boo n te m'akuri aei nakon booia n aia m'akuri are mai im'aaina. Ao akea b'a a karaua n rinanon aia karekem'ane ma e aki nakoraoi te ware irouia. Ngkana arona b'a e kabanea ana tai Ace n te kanakorongorongo, ao a riai n angakarea aia tai. E ngae n anne ao bon akea te b'ai ae tara ni koaua. E na kona n reke te ninikoria irouia b'a a na karimoa te Atua? N te moan tai ao e tara ni matoatoa. Ma

e a kakaiaki riki, b'a a nang kataia ni kabanea aia tai iaon aron karikirakean kabonganaan b'aai n itoman aika boou. Ao a maiu ni kainnano teutana iaan te karaunano are a boni mena i buroon Ana kantninga te Atua. Aio are e a kaungaia naba b'a a na anga aia b'aintituaraoi ni kabane nakon te Atua. A m'aiti ririki n nako ao e aki kona ni kakoauaaki te bitaki are a noria. B'a a kaai Ace ao Roenna n riki b'a mataniwi ngaiia n te waaki ni kab'arab'ara inanon baai n itoman aika boou, ae ana karikirake te Aro ni Kaitibong n te aonnaba. A teimatoa ni mena inanon te maiu ae aki rang bobuaka ma e a nakoraoi riki butin aia m'ane nakon are a mena iai ngkoa n te tautaeka. A bane n reke irouia te rabakau ae boou ibukin aia m'akuri ibukin lesu. A karimoa te Atua Ace ao Roenna e ngae ngke iai te maku irouia ao te aki koaua ni kanoan te tai ae na roko. Aia ninikoria e kaungaira n te bong aei. lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



41

Okitob'a 9, 2021

A KARIMOA TE ATUA PAVEL & VALENTINA DMITRIENKO

A baireia Pastor Pavel ma Valentina b'a a na karimoa te Atua ibuakon aia kanganga. Tera ae ti kona n reiakinna man rongorongoia n te bong aei ae na buokiira b'a ti na karimoa te Atua ni maiura?

E nakon 9 te maire raroan te kawai ae e iriria Pastor Pavel ma Valentina ibukin kakawaraia aomata ae a bobotaki n te auti. A kona n taonaki n te baki inanon aia tai ni m'ananga. Ma e boni kuri kanganga reken te kariki ni buraawa n taabo ni boob'ai iaon Sukhumi, ae atuun kawan m'akoron Georgia are maenako ngkoia ae Abkhazia. N te ririki 1993 ao te bubuaka imarenaia tautian Georgia ma Abkhaz e a karika uarereken m'aitin te kaako te am'arake. Iai taabo ni karao kariki ae a kabonakoi aia kariki n te bong, are nanona b'a a kona ni kaman bane ni katoa te tai are e m'ananga iai Valentina. N te bong teuana imwiin aia taromauri, ao temanna kaain te aro ae Maya—e angan naba Valentina te kariki, ma e rawa ni butim'aaia. E imanono Maya ao e tang. Ao e ana te kariki anne Valentina ao ni bwenuauia n uam'akoro, te iterana ibukina ao te iterana ibukin Maya. A kaonaki n te kukurei Valentina ma neiere kainnabana ngkai a tuai man kana te kariki inanon onoua nam'akaina. Ao e rang kani kanna ma te tuubu ni barley.

Ngke a nakonako n okira mwengaia, ao a kaitibo

naba ma te aine ae e a rang kara, ma ni kairariki, ao ni barekareka ao e a bubuti naba te am'arake b'a e taku b'a e a rang baki. E a uringa ngkanne kukurein Nei Maya Valentina ngke e tib'a kanana ma ngaia. N te tai aei, e na kona n iai korakoraia ni kan tib'a kanaia inanon te tai ni kanganga aei?

E aki tab'ara Valentina ma e anga naba m'akoron kanana are n ana baeki, ao e butim'aaia te unaine arei ma rannimatana ni kukurei. Ao a reitanako kawaia Valentina ao Pavel ni kaea mwengaia, ma te mata ni kukurei. A rang kukurei b'a a tia ni kona n anga aia kariki ae moan te kakawaki irouia nakon te unaine ae kaawa. N tabetai, karimoan te Atua e tangira tib'aakin b'aaai ake iai irouum ma aomata, e ngae ngkana e a boni karako kaub'aim. A karimoa te Atua Pastor Pavel ma Valentina e ngae ngke ai bon ti teutana. Aia ninikoria e kaungaira n te bong aei. Iesu E bon anga naba b'aaai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran Iesu, amen.



42

Okitob'a 16, 2021

E KARIMOA TE ATUA LEE YOUNG CHAN

E baireia Lee Young Chan b'a e na karimoa te Atua ni maiuna. Tera ae ti kona n reiakinna man te rongorongo n te bong aei ae na buokiira b'a ti na karimoa te Atua ni maiura? E b'abetitoaki Lee i Korea Maiaki ngke 17 ana ririki, ma e kabanea iraua riki te ririki i m'aain ae e ata raoi M'aakan te kakaonimaki n touati. Imwiin banen ana reirei, ao e baireia b'a e na karimoa te Atua ni moa man te tai are e reke iai ana m'akuri. Ibukina b'a a m'aiti m'akuri aika e katibananakoi n rekereke ma ana kakaonimaki ni kakawakina te Taabati, ao e a nako n reke ana m'akuri ae riai b'a te tia nikiri b'aa'i irouwia aomata. Iai te koaua Lee b'a E na katauraoi b'aa'i ni kabane ake E kainnanpoi te Atua. Te koaua aio e aki reke man te aro ni b'aakein ike E kona n ae e a bon ti kakab'aia naba Lee te Atua ngkana e kakaonimaki. Ma e tau ae ana kakoaua Lee ae e riai ni kakaitau ma ana kabwi ao ana karea ibukina b'a E a tia ni kakab'aia te Atua ma b'aa'i aikai. Karimoan te Atua inanon kabwianib'ai ma karea bon kinaakin Ana kareereke te Atua ao Ana kakab'aia. Ngke e a riki ana utu Lee, ao te Atua E anganna naba te auti ae rang kamwengaraoi ao te kaa ae na kabongana ngkai ibukin ana m'akuri ni mitinare. E taku Lee b'a a reke kakab'aia aikai man te tatato ma te nano ni koaua. Ngkana E kakaonimaki te Atua nakoia ake aki kakaonimaki nako Ina, iangoa ngkanne b'a m'aitira Ana kakaonimaki riki nakon ane e iriiria ao n anga maiuna nako Ina!

Ana rongorongo Lee bon te kauring ae ngkana ti anga maiura ni karimoa te Atua, te anganga anne e

uota te b'ai ae iai nanona ma te reirei. N ai aron te burabeti are Taniera, ko kona n anga maium ngke ko uarereke ao n teimatoa ni kawakina te motinnano anne. Aio ana taeka Nei Ellen White iaon aei: "B'aa'i ni kabane aika raraoi n te aonnaba a karikaki ikai ni Bain te Atua b'a kaotan Ana tangira nakon te aomata. Bon Ana b'ai akana kananoanga, ao riki aaro bon mai Rouna; te koora ma te tirewa bon ana b'ai lehova; ao E kona ni kamrara mai karawa ngkana E bon taku. Ma E aki karaoa aei, ma E a tia ni karika te aomata b'a Ana touati, ao E anganna te onimaki ni b'aa'i ni kabane, b'a e na tib'atib'ai nako ao n aki num'aroopia bon ti i bukina. Ma ngaia are E karaoa te aomata b'a kawaina n tib'atib'a Ana kakab'aia i aonnaba. Te Atua E bairea te waaki aei iaon ae antai ae reke irouna, n te aro b'a e na kona te aomata n riki n ai aron ana Tia karikib'ai, ae raoiroi ao n aki tiorobeke, ao n riki b'a te tia buokanib'ai ma Kuristo n te kaniwanga ae akea tokina, ae mimitong" (Counsels on Stewardship, page 15).

E karimoa te Atua Lee inanon maiuna ngke e m'aane. Ana nanom'aaka e kaungaira n te bong aei. Iesu E bon anga naba b'aa'i ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tatato ibukin te korakora b'a ti na karimoako inanon maiura. Inanon Aran Iesu, amen.



43

Okitob'a 23, 2021

E KARIMOA TE ATUA BRENTON JACKSON

E motikia Brenton Jackson b'a e na karimoa te Atua inanoni maiuna. Tera ae ti kona n reiakinna man rongorongona ae na buokiira n te bong aei b'a ti na karimoa te Atua ni maiura? E bungiaki Brenton iaon Nutiran inanon te utu ni Kaitibong. E tangira lesu ao e ataia ae rang tangiraki iroun te Atua. E ngae n anne, ao ngke 13 ana ririki, ao e a moanna naba ni maenako ana aonnaba. A raure ana karo. E a bon rotaki naba maiuna n te aro ae kakaiaki ao e a kitana naba te ekaretia ao ni maiu inanon ririki aika batin akea reitakina ma te aro ni Kiritian. Ao e a reke naba te kanganga ni maiuna b'a e a bua naba ana m'akuri, n te aro are ai akea mwengana, ao e a tiku naba ma ti \$200. "E kanga n riki aei?" E kaokioka te titiraki aio nakoina. Ao, ngke e a bon rang n rinano, ao e a uringa Ana tangira te Atua are e noria ngkoa ngke te teei ngaia. E uringa te angakarea are a karaopia ana karo ngke a karimoa te Atua ni b'aa ni kabane ake a reke irouia. E kakoaua Brenton e a bon aki nano n te b'ai teuana ni mwengaia, ma ngaia are e a motikia b'a e nang bita maiuna. E katuka arona Brenton n te tai ae na roko iroun te Atua, ao e a b'aintangira naba ana \$200 nakon te ekaretia ni Kaitibong n te kaawa anne. N ai aron te aine are mate buuna n te Baibara, E taratara Iesu Brenton ngke e anga b'aa ni kabane ake irouna. Ao bon te kakai te b'ai are e a riki imwiina. A bane n reke b'aa ake e kainnanoi Brenton ... ao a bon teimatoa naba n reereke n te bong aei. Brenton bon te reirei ae bane nanona n te waaki ae

karimoa te Atua n taai nako.

Ao e kakaitau b'a b'aa ni kabane ake a reke irouna, a bane n roko mairoun te Atua. E kauringiira Nei Ellen White n taeka aikai: "E aki kainnanoi ara karea te Uea. Ti aki kona ni kareke Kaub'aina man ara b'aintituaraoi. N ai aron are e taku te tia korea te Areru: 'A bane n roko b'aa ni kabane mai Roum, ao boni mai Roum b'aa ake ti anganiko.' Ma E kariaira te Atua b'a ti na kaota kukureira ibukin Ana nanoanga man ara waaki n anganga nakoia raora. Bon ti aio te kawai ae ti kona iai ni kaota ara kakaitau ao ara tangira nakon te Atua. B'a akea ae E anga" (Counsels on Stewardship, iteraniba 18).

E karimoa te Atua Brenton inanoni maiuna n ikawai. Ana nanom'aaka e kaungaira n te bong aei. Iesu E bon anga naba b'aa ni kabane ibukin kamaiuara, ao Ana tangira e kaungaira b'a ti na karimoa Ueana inanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



44

Okitob'a 30, 2021

E KARIMOA TE ATUA SARAH

E motikia Nei Sarah b'a e na karimoa te Atua ni maiuna. Tera ae ti kona n reiakinna man rongorongona n te bong aei ae na buokiira b'a ti na karimoa te Atua ni maiura? Ngke e kitanna kainnabana, ao e ataia Sarah ae e riai ni kakaea te anga ae na kona ni buokia. Ma e aki ata te tabo ae na karekea ana m'akuri iai. E tataro ibukin anganakina te kawai, ao te Atua E kaunga nanona b'a e na tib'a Ana taeka ma aomata ake a maeka irarikina. Inria bon tiaki te aba ni Kiritian, ma ngaia are e kanganga te m'akuri aei. Ao e a moana naba kawarakia kaain rarikina Nei Sarah iaan mwengaia. E taku Sarah, "I tataro ibukia ake aoraki ao a marurung." "I tataro ibukia ake a taniaki n taimonio,

ao a nako taimonio. I tataro ibukia ake aki kona ni kariki, ao a bane ni kariki ao ni katea aia utu."

Akea te anga ni karekem'an e ma bon te karea ae bubura. Ma e na kanga ni kitaniia aomata aika rang kainnanoa te Atua? E karimoa te Atua ao e kantaninga te Atua b'a E na karekea te b'ai are e kainnanoia, e ngae ngkana e na waeremwe taningaakina. Iai aomata tabeman aika kukurei iroun Sarah b'a e na kawariia, ma iai aika riba kawarakia. N te bong teuana, ao e kawara te utu teuana Nei Sarah ae a taromauriia ae bon oin antiia. Ao a i manonoia b'a e na ira aia taromauri, ma e rawa. E a roko naba unin te ataeinaine temanna ao e a boni katika naba bain Sarah nako nanon te b'aata ae buro. E taku Sarah "I tataro," ao ngke I taeka baiu man te b'aata.

Ao e aki roko n te bue teutana." N te bong are imwiina, ao e a wetea naba Sarah taman te ataeinaine arei ni kab'arabure. Ao e tuangnga ae e a tia ni katuaea natina te aine ao e butiia Nei Sarah b'a e na tataro ibukin ana utu. Moan te kukurei Sarah n tabekarake te utu aei n ana tataro. Ao e taku, "N te tai aei ao a tia ni bitaki." "A tia ni butim'aea te Atua, ao a taromauri ma ngaira n ara ekaretia." Iai nimaua te utu ake a nora Nei Sarah b'a e aki bue n te bong arei. Ao a kaonaki n te mimi, ao a tia naba n bubuti b'a e na tataro ibukiia Nei Sarah. N te bong aei, ao e m'akuri Nei Sarah b'a te tia katei ekaretia man te mition ao e boutokaaki n te karea are anga kaain te ekaretia ni Kaitibong ni katobibia te aonnaba. Ana m'akuri bon kairia aomata nakon lesu ao n nora Ana akoi ni kamaiu. E karimoa te Atua Nei Sarah inanon ana tai ni kanganga.

Ana nanom'aaka e kaungaira n te bong aei. Lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



Nobemb'a 6, 2021

E KARIMOA TE ATUA ABRAHAM

E motikia Abraham b'a e na karimoa te Atua inanoni maiuna. Tera ae ti kona n reiakinna man rongorongona n te bong aei ae na buokiira b'a ti na karimoa te Atua ni maiura? Abraham bon te Masaai ae kaub'ai iaon Tanzania. E rang n ataaki te baronga aio ni m'aitin aia nanai ni man. Bon akea te b'ai ae kakawaki riki iroun te Maasai nakon aia man. E aki toki n nonoraki te Maasai b'a e na tang ni korakai ngkana e mate ana kao, ao e ab'ab'ai riki ana tai n tanginiwenei ibukin ana kao nakon temanna ae boni kaain te utu. E ngae n anne ao e bubura riki boon te kao nakon \$1000 te m'anen Amerika. Ngke e ata Ana tangira lesu Abraham inanon ana kanakob'ana Adventist World Radio, ao e motikia b'a e na karimoa te Atua ni maiuna, e ngae b'a tera mwiina.

Anne te tai are e a anga naba 100 te kao b'a ana kabwi nakon te Uea. A mino aia kantaninga kaain rarikina n te b'ai are e karaoia ao aki ota iai. N aia iango, ao e a kaan rotaki ana kantaninga Abraham. E bon aki maan imwiin are e anga ana kabwi Abraham ae 100 te kao, ao iai te b'ai ae kamimi ae riki nakon te nanai ni kao. B'a a moanna naba ni bubung ana kao aine n te aro ae bwebwe natia. A bon ataaki kaao b'a aki toki ni bungia ti temanna n te tai ni bung teuana, ma e kamimi b'a ana kao Abraham ni kabaneia, a bungia uoman ni kabaneia. E a tia Abraham n anganako 100 te kao, ao n te tai aei e a taboroboro riki m'aitia ana kao are mai i m'aaina. A kaonaki n te mii kaain rarikina. Ao a taku nakon Abraham, "Wetea am mitinare, b'a ngai I kan anga naba au kabwi." E taku kain rarikina naba are

temanna, "Ti tangiria naba ara kao b'a na bwebwe natia. Ma e aki toki mimiin Abraham n te aekaki ni kakab'ai are E karaoia te Atua nakoia ana kao ao e a motikia naba b'a e nang aki kaoka ti teuana te katebwiina. E tangiria b'a e nang anga uoua ana kabwi. Ao e a wetea te mitinare

n te aro ni Kaitibong b'a e na roko ni kawaria n ana auti. Ao e a kairia ana irua Abraham nakon ana tabo ni man ao e a moana naba warekan uoua te kabwi. "Teuana, uoua, teniuia, aua, nimaua, onoua, itiuia, waniua, ruaiwa." Ngke e roko n te katengaun ni kao, ao e tuanga ana tia ibuobuoki b'a e na kanim'a te kanikina i taningan te kao are te katengaun ao ni kaokoroaki b'a te kabwi. Ao e taku, "Anne Ana b'ai te Uea." Ao e wareka te katengaun ma temanna ni kao ao e tuanga ana tia ibuobuoki b'a e na kanim'a naba te kanikina i taningana. Aio aia ana kauoua ni kabwi. Ao e a manga moani wareware naba man "teuana." E karimoa te Atua Abraham e boni ngae a kaokoro aia iango kaain rarikina. Ana ninikoria e kaungaira n te bong aei. lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.

46

Nobemb'a 13, 2021

A KARIMOA TE ATUA ZUKI & PALI

A motikia Zuki ao Pali b'a a na karimoa te Atua e ngae ngke a maku ao aia aki koaua. Anne te tai are a moana te bitaki. Tera ae ti kona n reiakinna man rongorongoia ae na buokira n te bong aei b'a ti na karimoa te Atua ni maiura? Zuki ao Pali bon taani koro-tamnei ni kateitei aika rang eke araia ao taani karikirakei b'aa i Aberika Maiaki. Ao a baireia b'a a na kabanea aia m'anee ibukin katean ana um'antabu te aro ni Kaitibong ibukin neboan te Atua. Ma anne te tai are a bure naba iai toron b'aa.

Ao e rinanon te kanganga ae bati te karikirake aei ao e aki kona n reke aron aia waaki are imwiina. E ngae ngke taraan ae a nang bua aia b'ai ni kabane, ma a karimoa te Atua ao a reitanako aia kabanem'ane ibukin te um'antabu. A aranaki irouia aia rooia ao aia tia m'anee b'a a baba, ma e aki bita aia iango te karaki anne. E boni matoatoa karimoaan te Atua ngkana a bon nakoraoi b'aa, ma karimoaan te Atua ngkana a tara n aki nakoraoi b'aa e bon tara n aki kona ni karoaki. Bon ti ni m'aakan te Tamnei are Raoiroi ae kona iai te aomata ni kakaonimaki ibuakon te kanganga ma e aki koaua. A aki toki ni buti Zuki nakon te tabo are e kateaki iai te um'antabu. Ao e taku Zuki, "Ti na kabanea uoua te aoa ikekei, n nakonako ngkai a tabe ni m'akuri aomata." "Ao e na roko te rau ae bat, ao ane a na kona iai n rau nanora ae bon aio te b'ai ae ti riai ni karoia e ngae b'a m'aitira boona." Ma taraan ae bon akea noran ae na kona ni kateimatoaki. E a tia ni matoa ana tai te bangke ibukin anaakin aia kaa. Tera ae nang karoia? Ao a nang nakea? Ao maanra ae E na kariaia iai te Atua b'a e na reitinako te aro aei? Teniua te bong i m'aain manga anaakin b'aa ni kabane mairouia, ao E a rinnako naba te Atua ni karoa ae

na karoaki. E a roko naba te tareboon iroun Zuki ae nang kaumakiia b'a a na anga te boraraoi ae bubura i Durban, Aberika Maiaki. E a tia te um'antabu n te tai aei ao a taromauri kaain te ekaretia inanona ni katoa wiiki. Ao e a manga rikirake aia bitineti, ao a bane n akea aia kanganga n aia m'anee. Ao a teimatoa ni m'aneni karikirake are E kairia te Atua nako iai. E koroboki Nei Ellen White iaon taikan te baei: "Tera arona ngkana iai ae a riki n akea aia b'ai ibukin kabanean aia m'anee ibukin te m'akuri? E riki ni kananoanga Kuristo ibukimi; ma a m'aiti ami b'ai aika akea tokia ae te kaub'ai i karawa ae aki kona ni b'aka. E mano riki am karinim'anee ikekei nakon are ko karinna n te bangke, ke ko karinna n te auti ma te aba. B'a a kawakinaki ni baeki aika aki kona ni mane. Akea te tia ira ae kona ni kaniia, akea te ai ae kona ni kaura" (Counsels on Stewardship, iteraniba 41).

A karimoa te Atua Zuki ao Pali. Aia onimaki e kaungaira n te bong aei. Iesu E bon anga naba b'aa ni kabane ibukin kamaiuara, ao Ana tangira e kaungaira b'a ti na karimoa Ueana inanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



Nobemb'a 20, 2021

E KARIMOA TE ATUA ADVENT PRESS

E motikia Advent Press b'a e na karimoa te Atua. Tera ae ti kona n reiakinna man te rongorongo aei ae na buokiira b'a ti na karimoa te Atua ni maiura? Advent Press bon ana auti ni boreeti te Ekaretia ni Kaitibong iaon Ghana. E rang korakora ana taarau te kamb'ana aei iroun te tautaeka ni Ghana, ake kabu kaako mairouia ao te West-central African Division ae nakon te m'aiti ae \$2 te mirion te m'ané n Amerika. E rang bokaboka nanon ana oo ao a bane tain mitiin ake inanona. E a bon aki kona ni kab'ara ana taarau ao e aki kona ni kab'akab'aia ana taani m'akuri. Iai tabeman ae a nora ana konab'ai ma ngai ake a katauraoaki kaub'aina nako b'a a nang ororakeaki. Ma e kukurei te manatia ae boou ma taani m'akuri b'a e na karoaki te bitaki ae korakora ae a na karimoa te Atua ni maiuia n tatabemaniaa nako ao te kamb'ana ae b'anin. Ao a karoai babaire ibukin kaitiakan aia taarau inanon te maan ae 10 te ririki, ma ataia ae bon ti te kakai ae kona ni karoa aei. E ngae n anne ao e kab'araaki te taarau inanon 7 te ririki ao n te bong aei, ao e a riki te Advent Press b'a te katoto ae raneanea n te nakoraoi inanon te bitineti ao te onimaki. Te moani m'aneka bon te motinnano ae tieuataake ao are iroun temanna ma temanna ibukin kaokan te kabwi, e ngae ngkana aki kona ni kab'aka. Te kauoua ni m'aneka bon kakaraoan te kai-n-tataro ni kurubu n taabo aika kakaokoro. A kokoaua ao a onimaki b'a E na kaeka aia tataro te Atua. Te kainibaire riki teuana bon kauarerekean te b'akab'ai n te m'aiti ae 50 te katebubua ao kateimatoanaa inanon nimaua te ririki. E aki kona n riki te kakai n akeia taani m'akuri, n ikotaki ma manatia, b'a a na karimoa te Atua ni b'aai ni kabane. Ao a mimi, b'a E kaeka aia tataro te


Atua. Ao e anganano te tia ibuobuoki b'a e na m'anena boretiakin te Reirei n Taabati ni katoa kuata. E riki aio b'a te tai n tokanikai iroun te auti ni boreeti aei. E neboaki te Atua b'a te tabo ni boreeti are e nang bon ororakeaki, e a riki b'a teuana ibuakon ana auti ni boreeti te ekaretia ni Kaitibong ae te kabanea n tamara—e moanna bon iaon Amerika ao e ka-13 n te aonnaba. E a tia ni m'aanena reirein te mitinare temanna i Valley View University. N te tai aei, ao e a manga m'aanena naba ataein te reirei riki temanna n te Adventist University of Africa. A tia ni bane n oneaki mwiin mitiin ake aki m'akuri n te boo ae \$2.5 te mirion te m'ané n Amerika. Te tabo are bokaboka ngko a tia n timantiaki, ao a tia kateitei ni manga moan katamaroaaki, ao onoua auti ibukia taani m'akuri ae a tia ni kateaki. N te bong aei, ao akeia te kanganga n te b'akab'ai ibukia taani m'akuri, e boni ngae naba n tain te kanganga n te COVID19. Iai ana kaa n nikiri ota te tabo ni boreeti ao ana tianaraita n tauraoi ibukin naba maten te b'aawa. Ni koauana ao te kakaonimaki ni kaokan te kabwi, te tataro, te motinnano e a tia n raira nako ana kanganga te tabo ni boreeti nakon te kab'aia. E karimoa te Atua Advent Press.

Aia ninikoria e kaungaira n te bong aei. Iesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.

“Ao b’aa ni kabane akana
kam karaoi n taetae ke
ni m’akuri, ao kam na
karaoi naba n Aran te
Uea are lesu, ao kam na
katituaraoa te Atua ae te
Tama i Rouna.”

I-KOROTE 3:17
ENGLISH STANDARD VERSION







Nobemb'a 27, 2021

A KARIMOA TE ATUA JOE & SUSAN

A motikia Joe and Susan b'a a na karimoa te Atua e ngae ngke a maku ao aki koaua raoi. Tera ae ti kona n reiakinna man rongorongoia ae na buokiira n te bong aei ni karimoa te Atua ni maiura? Joe bon te IT manager iaon Silver Spring, Maryland. Ngke e a tei n ana kaa ni mwengana imwiin aia tai ni kaemb'a, ao e a nora tanen mwiin te oera n timtim man ana kaa ae te Isuzu Trooper SUV. Ao e a bubuti buokana Joe iroun raoraona ae Eric.

Ngke e a tuoia te kaa Eric ao e kunea b'a e a tia n titinako te oera man bonotan matan te raumea n te oera ae te katiketi ae te rab'a ao e a tia te intin n anga ana kauring. E katautaua te uribea b'a e raka iaon \$3000 te m'ane n Amerika. E a bon tib'a tia naba ni mare Joe ma Nei Susan ao e nakon \$3000 kanoan aia karinim'ane n te bangke. Ma e rang n rawa ni kabanea te m'ane anne Joe n ana kaa ae te SUV ibukina b'a a tia te taanga aei n aki rang b'ab'aka aia kabwi ao e nakon \$1500 te m'aiti ae a tuai kab'aka inanon teniua nam'akaina. E nora aio Susan b'a te b'ai ae a riai ni karaoria ao e taku. "Ti riai n anga ara moan uaa. Ao a tataro naba Joe ma Nei Susan ao ni baireia b'a a na kaoka te kabwi ao n aki tabe moa n aia kaa. Imwiin te motinnano aei, ao e tareboon Eric nakon Joe n tuangnga b'a e na taetae ma te tabo ni b'aa are e onea ngkoa ana oera ana kaa im'aain m'anangaia ni kaemb'a. Ao e a karokoa te makaeneke te tabo ni b'aa arei nakon ana auti Joe ao, ao imwiin ana tutuo ao e a butim'aea te bukinaki n uruakin intinin te kaa. Ao e kabooa mwiin te urub'ai anne te tabo ni b'aa man te m'ane ni kabomwi are e tia ni b'aka ibukin \$3000. Ngke e tia ni karaoaki te uribea, ao e roko iroun Joe te tiaati mairoun te makaeneke ibukin \$1500. Moan te mimi b'a te m'ane ni kabomwi ae \$3000 man te tabo ni b'aa e a bon tau naba ibukin boon te uribea.

E riki aio man aia kabwi ao a bon ataia naba Joe ma

Susan ae karimoaan te Atua e karekea te kakai ae aki kantaningaaki. Te kakai are imwiina boni manga kabonakoan te kaa arei.

Inanon ti teuana te wiiki, ao e kawaraki Joe iroun Wayne, ae te taairekita ni boob'ai ni kautuun te aro ni Kaitibong. E tuatua Wayne nakon Joe ngkana e kukurei ni kabonakoa ana kaa te SUV.

"Iai te mitinare mai Amerika ae tangira te kaa ae te Isuzu Trooper. Ao e angan naba Joe te boo ae tikiraoi, ao e a kanakoaki naba te kaa aei nako Amerika. Ngke e kabonakoaki te kaa ao e a tia n roko n te raroa ae 40,000 te maire. Imwiin 18 nam'akaina, ao e a tia te SUV n roko n 100,000te maire. Tabeua te ririki imwiina, ao e tia te SUV n roko n 300,000 te maire. Bon te Uea ae E a tia ni kateimatoa butina ibukin te mitinare aei i Amerika. E taku Joe b'a e anganaki te reirei n te b'ai ae e a tia n rinanona aei, ae te reirei ibukin kakawakin kaokan te kabwi.

A tia Joe ao Susan ni karimoa te Atua. Aia ninikoria e kaungaira n te bong aei. Iesu E bon anga naba b'aa ni kabane ibukin kamaiuara, ao Ana tangira e kaungaira b'a ti na karimoa Ueana inanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanoni maiura. Inanon Aran Iesu, amen.



49

Ritemb'a 4, 2021

A KARIMOA TE ATUA JUNIOR & STEPHANIE

A motikia Junior and Stephanie b'a a na karimoa te Atua e ngae ngke a maku ao aki koaua raoi ni kanoan te tai ae i m'aaia. Tera ae ti kona n reiakinna man rongorongoia n te bong aei ae na buokiira b'a ti na karimoa te Atua ni maiura? Junior ao Stephanie Roberts bon taani b'aib'ai n te kamb'ana ni kam'arake iaon Jamaica. A anga maiuia nakon te Atua ao a kaai ni b'abetitoaki teuana te nam'akaina imwiin aia mare. Aio bon te babaire ae matoatoa are a tia ni karaoia ibukin aia bitineti ngkai a tangiria ni karimoa te Atua. B'a koikoin taari ao te wain boni b'aa'i aika a rang n tatangiraki ao ngke a motikia b'a a nang aki kam'arake ni b'ain taari ao te arekooro, ao e kona n ae ai bon tokin naba aia bitineti. Ma iaon riki aei, ao a riai ni katoki naba aia waaki ni karikirake n te Taabati. Ao tera aroia ngkana a tangtang aia taan am'arake ao a nako ni kaei taabo ni kaam'arake ake tabeua? Iai te ninikoria irouia b'a a na karimoa te Atua e ngae b'a tera mwiina? E ngae ngke iai te maku ma te aki koaua raoi irouia n te b'ai ae na riki, ma a karimoa te Atua n aia bitineti. Te moan tai, ao e rotaki teutana aia bitineti. E a boni kuri n aki kona ni buti ibukina b'a angia taan am'arake a tangira am'araken taari ae rokoraoi irouia ao te arekooro. Ao e b'ab'aka riki aia karekem'ane n tairikin te Kanimabong ao te Taabati. Anne e bon roota aia karekem'ane. E korakora kataakin aia onimaki n aei ma a namakina Ana kairiri te Uea. N te bong aei ao a tib'a namakina te kukurei ae akea n ai arona ao e a rikirake aia bitineti. E a bon teimatoa naba aia karekem'ane, ao ataia b'a antai aia aomata ae na kakaea. E koroboki Nei Ellen White iaon aio ni kangai: "Te aonnaba ao ekaretia a urua Ana tua te Atua, ao e a riai ni kanakoaki te taeka ni kauring, 'Ane taromauriia te man ma bouana, ao n reke irouna ana kanikina iaon ram'ana

Ke iaoni baina, ao e na mooi naba n wain unin te Atua, ae nurakinaki n aki reaki inanon m'angkon unna.' Ngkai e tinetine ngkai te rekenikai i etaia taan urua Ana Taabati te Atua, tiaki b'a ti a riai ni kaota riki ara tauannano, ma ara onimaki ae e a korakora riki? Bukin tera ngkai ti a rang kamangao, n tiorobeke, ao n rang kaonaki ni b'aa'i aika kai toki taia? A maenako ma lesu b'aa'i aika ti tatangiri?

E a tia n riki n rang kotokoto te koaua, n rang n tena kabonganaakina nakon maiura; ao n ai aroia Ana reirei Kuristo ngke a kaitaraaki iai, ti a tia n taonnako ni kaea aron te aonnaba? Ti kabanei ara m'ané n aro ni bakatae n tiorobeke, ao ni kanuai nako nanora, ngkai a tabe ni mate aomata n aki ata lesu ao te koaua. Ai ti maanra aio b'a e na reitinako? A bane n riai n iai irouia te onimaki ae maiu—ae te onimaki ae m'akuri n te tangira, ao ni kaitiaka te nano. M'aane ao aine a tauraoi ni karaoi b'aa'i nako ibukin kakukureian nanoia, ma ai uarerekera ae a tauraoi ni karaoia ibukin lesu, ao ibukia raoia n aomata aika nang tabe ni mate ibukin tangiran te koaual" (Counsels on Stewardship, iteraniba 51).

A kataaki Junior ma Stephanie b'a a na karimoaia boni ngaiia ma a kakaonimaki ni karimoa te Atua. Ao aia onimaki e kaungaira n te bong aei. lesu E bon anga naba b'aa'i ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



50

Ritemb'a 11, 2021

E KARIMOA TE ATUA FERNANDO

E motikia Fernando b'a e na karimoa te Atua e ngae ngke e maku ao n aki ata te b'ai ae na riki. Tera ae ti kona n reiakinna man rongorongona n te bong aei ae na buokiira b'a ti na karimoa te Atua ni maiura? Dr Fernando bon te taokita n te aoraki iaon Brasilia, ae atuun kawan Brazil. E moanaki ara karaki ngke e mataku n te birim iaon rongorongan ana utu te mitinare n te aro ni Kaitibong iaon

Mongolia. E rang kan riki naba b'a te mitinare Fernando, ma e matoatoa irouna te nako ibukin b'aaai aika e tinewangaaki iai iaon Brazil. Ao e a maroro ma kainnabana ao a boraoi n iango b'a a nang karaka riki aia karea nakon aia mition n aia ekaretia ni Kaitibong. Aio bon te babaire ae matoatoa karaoana, ma a waekoa n nora te kukurei inanon karimoaan te Atua inanon aia karea ibukin te mition. Onoua te nam'akaina imwiina, ao a botaki n aia utu ni mataku n te birim riki teuana ae roko mai Mongolia. N te birim aei, ao a kakaitau mitinare nakon aia utu Fernando ibukin te anganano are anga inanon aia karea are a tia n anga. Ao e nora te ekaretia ao te tabo ni kanakob'ana are e a tia ni kateaki man aia karea. E noria Fernando ma ana utu ae ngaia boni mitinare ngaiia inanon aia karea ao aki kona n iangoa te manga oki rikaaki riki nakon maiuia are im'aain aia motinnano aei. E koroboki Ellen White ibukin aei ni kangai: "Tiaki n ae e a roko te tai ike ti a riai iai ni moana kuarerekean riki m'aitin b'aaai aika mena iroura? E bia buokiko te Atua b'a ko na kona ni karaoa te b'ai teuana ni karina am m'anee n te bangke are i karawa. Ti aki taekina te tangom'ane (loan), ma te karea n anganano—kaokan Ana b'ai ara Toka ake E a tia n anganiko. Ngkana ko tangira te Atua i moani

b'aaai, ao n tangira naba raom n ai aron tangiram bon iroum, ao ti kakoaua ae ko na anga kakoaua iaon ae ai aron aei inanon am karea ibukin ana m'akuri ara mition. Iai aomata ae a tangira te kamaiuaki, ao ko kona n riki b'a raon lesu Kuristo ni m'akuri ibukin kamaiuaia aomata aikai are E a tia n anga Maiuna Kuristo ibukia. E na kakab'aiako te Atua n te uaa ae raoiroi are ko na anga ibukin Neboakina. E bia b'aina nanom te Tamnei are Raioroi are Ngaia are E korea te Baibara, ni kairiko b'a ko na tangira Ana taeka, ae te tamnei ao te maiu. E bia kaurei matam b'a ko na noori b'aaai ake maioun Tamnein te Atua.

E riki n rang kororo ana waaki te aro n te bong aei ibukina b'a a tuai man kakeaia aomata bon irouia ao a tuai man anga maiuia" (Counsels on Stewardship, iteraniba 51).

E karimoa te Atua Fernando ma ana utu. Ana onimaki e kaungaira n te bong aei. Lesu E bon anga naba b'aaai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



51

Ritemb'a 18, 2021

NGKE KO KARIMOA TE ATUA

Ko uringnga ngke ko karimoa te Atua e ngae ngke ko maku ao n aki ata te b'ai ae na riki? Tera ae ti kona n reiakinna man rongorongom ae na buokiira b'a ti na karimoa te Atua i nanoni maiura n te bong aei?

Ko uringa te tai are ko moan tangira iai lesu te moan tai? Iroura n tatabemaniira, ao bon iai te tai are te moan ngke a kaonaki nanora n tangiran lesu. Bon akea te b'ai ae kakawaki riki iroum nakon irirakin lesu ao kakoauaana ae bon Uean maium. Ko karaoi anganano ni kabane ni kawakina te Taabati n tabuia. Ko kana te am'arake are ko tuangaki ao ko wareki booki aika raraoi. Ko matakuakin birim aika raraoi ao ko ririba te aekaki ni katangtang ae aki eti. Ko kararoai weebutiaite aika bubuaka ao ko tangiria n taetaenikawai nakon Atuam.

Ma te kanganga b'a iroum ao am utu, ao e aki maan anne. Ao e a bubua nako naba am moan tangira ao e a moanaki naba te bobuaka imarenan te bure ao te akoi ae reitinako ni karokoa te bong aei. Tera ae ko na anga b'a ko aonga ni kaoka te moan tangira are e a tia n reke ngkoa iroum?

N arona ae noraki, ao iai b'aai aika ko kona n anga ae a na uotiko rikaaki inanon 40 te bong ke e kee riki. Aranaki b'a am tai ao am m'an. Aikai bon kaub'aim aika rang kakawaki ao, ngkana ko aki nnei b'a e na moanib'ai n Uean te Atua, ao bon akea riki te kawai ae ko na kona n anga maium ni kab'aninna nakon lesu. Aio aron taekana iroun lesu: "Tai kaiko ami b'ai iaon te aba, ike e kangi b'aai iai te koa ma te rara, ao a uruuru ma n irae taan ira: ma kam na kaiko ami b'ai nako karawa, ike e aki kangi b'aai iai te koa ma te rara, ao aki uruuru ma n irae taan ira. B'a ike a mena iai ami b'ai, ao a mena naba iai nanomi." Mataio

6:19-21.

E a tia te tabo ni karao-birim ae Hollywood n tuangiira ae e moanib'ai nanora. Aio bukina ae ti aki toki n tataninga te namakin b'a ti na karaoa te b'ai teuana im'aain ae ti karaoia. Ti na bon aki namakina te kan anga ara kabwi ma ara karea ngkana ti aki kakaraoia n taai nako, ibukina b'a a riai nanora ni mena n Uean te Atua ngkana anne te tabo ae ti na anga nako iai ara tai ma ara m'an. Ngkana ko kan manga nora riki te moan tangira arei, ao moana ngkai am kakaonimaki ni kaoka am kabwi

n te bong aei; katea te berita (te karea) ao kawakinna; kabanea am tai n Ana taeka te Atua ao te tataro; ao kabanea am tai buoka ana waaki te ekaretia ao buoka naba kuarerekean rawawataia raom man am kabwi, am karea, am taromauri, ni mwiokoam, ao n am nanoanga. Moana karoan aio e aoria ngke ko kani karaoia ke ko aki. Ao nora rikiraken am tangira ibukin te Atua inanon wiiki tabeua ao ko na nora aron bebeten riki kan irirakin lesu iroum. "B'a ike a mena iai ami b'ai, ao a mena naba iai nanomi."

Ko a tia ni karimoa te Atua. Ao am onimaki e kaungaira n te bong aei. Lesu E bon anga naba b'aai ni kabane ibukin kamaiuara, ao Ana tangira e kaungaira b'a ti na karimoa Ueana inanon maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.



52

Ritemb'a 25, 2021

NGKE E KARIMOAKO TE ATUA

2000 tabun te ririki n nako, ao E karimoako te Atua ao E anga Natina ae te Rikitemanna b'a ko aonga ni maiu n aki totoki. Bungiakin lesu bon te kauring ae bon te Atua ae E karimoako, i m'aain ae ko ataia ae E boni maiu. Rongorongan te euangkerio bon TIAKI rongorongom n tangira te Atua b'a E aonga ni kairiko te Atua nakon te tabo ae e raoiroi riki. E maroaka ae m'aiti iroura ae kanganga irouia kakoauaan ae E tangiriira te Atua. Rongorongan te euangkerio bon rongorongon te Atua ae E a kaman tangiriko i main are ko bungiaki. Bon rongorongan te Atua ngke E KARIMOAKO. Bon te rongorongo ae aki kona n iangoaki iroun te Tia tautaeka n te uniweeti ngke E kaaka taekani karawa ni mate ibukim b'a e aonga n reke iroum te maiu are aki toki. Rongorongan te euangkerio bon rongorongon te Karo: "B'a E tangiria aomata te Atua n te aro are E anga Natina ae te Rikitemanna iai, b'a e aonga n aki mate ane onimakinka, ma e na reke irouna te maiu are aki toki" (Ioane 3:16). lesu E kabarabara te ekaretia b'a Buuna ni mare. Ni kaeineti ma ana kairua te ekaretia ni kabane inanon kakoroan Ana mwioko te Atua are E anganiira, e teimatoa te ekaretia b'a buun lesu ni mare ao b'a ti weteaki b'a ti na tangira te ekaretia are E tangiria lesu. Ti riai n taratara raoi aron are ti karaoia nakon te ekaretia, ao n ururingnga n taai nako aron m'aitin Ana tangira lesu ibukin te ekaretia. lesu E na aki toki n anganga b'aai aika kainnanoaki iroun buuna ae te ekaretia ibukin

kakoroan nanon mwiokoana. Te b'ai ae kakaongora bon aron karaoan aei iroun lesu. B'a E angangan te ekaretia man karinan kaub'ai inanon am akaunti n te bangke ao n tuangko b'a ko na karimoa te Atua man b'aatinakin kaub'ai akanne nakon te ekaretia. Iai b'aai aika uoua aika rang n ota: 1) ngkana e aki tau kaub'ain te ekaretia, ao e kona n ae e riki boni maioura b'a iai ibuakora aika ti tautaua kaub'aina bon ibukira; ao 2) e kab'arab'ara bukina b'a e aera lesu ngkai E teimatoa ni kakanakoi kaub'ai aika batu nakoia te koraki aika a kakaonimaki ni b'ab'aatin kaub'ai aikai nakon Kainnabana.


Ko inaoaki naba b'a ko na kakoaua ae bon te ekaretia ngkoe. Taraana riki teuana b'a ngaira rab'atan Kuristo ma ngaia are, ngkana ti kamanenai ara taarena nakon are te kabanea n tamaroa, ao ti katea Rab'atan Kuristo. Are nanona b'a Kuristo E na reitaki ma aomata ma iroum. Ngke E bungiaki lesu 2000 tabun te ririki n nako, ao E katanoata nakon te aonnaba ae E karimoako. N te bong aei ao E bubutiiko te Atua b'a ko na karimoa. E aki kona ni kan tataninga b'a E rang kani kakab'aiako. Ibukin te ririki ae nang roko aei, ao Ana tangira e kaungaira b'a ti na karimoa ueana i nanoni maiura. Ngkai a rikoi kabwi ao karea riikan, ti a karimoa te Atua.

Tamara are i Karawa, ti taromauriiko n te ingabong aei ma ara kabwi ao ara karea. Ti tataro ibukin te korakora b'a ti na karimoako inanon maiura. Inanon Aran lesu, amen.

TAEKAN TE TIA KOREA TE BOKI

PASTOR SAM NEVES

Pr Sam Neves bon te Kauoman Taairekita n te Reitaki ni Kautuun te Ekaretia ni Kaitibong. Oin tabena bon katanoataan aran te ekaretia n te aonnaba ao te m'aakete inanon te tao-b'atin. E bungiaki iaon Brazil ao ni m'aing nako Engiran ngke te ataeinim'aane, ike e a riki b'a te mitinare n te ekaretia inanon 11 te ririki. N te bong aei e maeka iaon Silver Spring, MD, Amerika ma kainnabana ae Amy ao natiiia m'aane aika teniman. E kakoaua raoi Sam ae E a kaan roko lesu.



KANOAN TE WAREWARE

Tianuare

Wiiki 01	02 Tia	Ngke E karimoa te Atua Iesu	14
Wiiki 02	09 Tia	Ngke e karimoa te Atua Aberaam.....	15
Wiiki 03	16 Tia	Ngke e karimoa te Atua Moote	16
Wiiki 04	23 Tia	Ngke e karimoa te Atua Iotua.....	17
Wiiki 05	30 Tia	Ngke e karimoa te Atua Ruta.....	18

Beberuare

Wiiki 06	06 Beb.....	Ngke e karimoa te Atua Aana.....	19
Wiiki 07	13 Beb.....	Ngke e karimoa te Atua Tawita	20
Wiiki 08	20 Beb.....	Ngke e karimoa te Atua Taniera ma raona.....	21
Wiiki 09	27 Beb.....	Ngke e karimoa te Atua Etita.....	24

Maati

Wiiki 10	06 Maati.....	Ngke e karimoa te Atua Betero.....	25
Wiiki 11	13 Maati.....	Ngke e karimoa te Atua Bauro.....	26
Wiiki 12	20 Maati.....	Ngke e karimoa te Atua Ioane.....	27
Wiiki 13	27 Maati.....	Ngke e karimoa te Atua Nooa	28

Eberi

Wiiki 14	03 Ebe	Ngke e rawa ni karimoa te Atua Iuta	30
Wiiki 15	10 Ebe	Ngke e rawa ni karimoa te Atua Atam ao Ewa	31
Wiiki 16	17 Ebe	Ngke e rawa ni karimoa te Atua Kain	32
Wiiki 17	24 Ebe	Ngke e rawa ni karimoa te Atua Tamton	33

Meei

Wiiki 18	01 Meei.....	Ngke a rawa ni karimoa te Atua natin Eri m'aane.....	36
Wiiki 19	08 Meei.....	Ngke e rawa ni karimoa te Atua Tauro.....	37
Wiiki 20	15 Meei.....	Ngke e rawa ni karimoa te Atua Toromon.....	38
Wiiki 21	22 Meei.....	Ngke e rawa ni karimoa te Atua Iteraera.....	39
Wiiki 22	29 Meei.....	Ngke a rawa ni karimoa te Atua B'aritaio.....	40

Tuun

Wiiki 23	05 Tuun	Ngke e rawa ni karimoa te Atua te rorobuaka re kaub'ai	41
Wiiki 24	12 Tuun	Ngke a rawa ni karimoa te Atua Anania ao Tabeire	44
Wiiki 25	19 Tuun	Ngke e rawa ni karimoa te Atua te ekaretia ae Raorikeia.....	45
Wiiki 26	26 Tuun	Ngke e rawa ni karimoa te Atua Rutibeero.....	46

KANOAN TE WAREWARE

Tuurai

Wiiki 27	03 Tur.....	Ngke a karimoa te Atua Warotentieti.....	48
Wiiki 28	10 Tur.....	Ngke e karimoa te Atua John Huss	49
Wiiki 29	17 Tur.....	Ngke e karimoa te Atua M'aatin Ruteru	50
Wiiki 30	24 Tur.....	Ngke e karimoa te Atua William Tyndale	51
Wiiki 31	31 Tur.....	Ngke e karimoa te Atua William Miller	52

Aokati

Wiiki 32	07 Aok.....	Ngke e karimoa te Atua Joseph Bates	53
Wiiki 33	14 Aok.....	Ngke a karimoa te Atua James ao Nei Ellen White	56
Wiiki 34	21 Aok.....	Ngke e karimoa te Atua John Andrews	57
Wiiki 35	28 Aok.....	Ngke e karimoa te Atua Abram La Rue	58

Tebetemb'a

Wiiki 36	04 Teb	Ngke e karimoa te Atua C. F. E. Thompson	59
Wiiki 37	11 Teb	Ngke e karimoa te Atua George King	60
Wiiki 38	18 Teb	Ngke e karimoa te Atua Albert Stauffer	61
Wiiki 39	25 Teb	Ngke e karimoa te Atua William A. Spicer.....	62

Okitob'a

Wiiki 40	02 Oki.....	A karimoa te Atua Ace ao Roenna Sintos.....	64
Wiiki 41	09 Oki.....	A karimoa te Atua Pavel ao Valentina Dmitrienko.....	65
Wiiki 42	16 Oki.....	E karimoa te Atua Lee Young Chan	66
Wiiki 43	23 Oki.....	E karimoa te Atua Brenton Jackson	67
Wiiki 44	30 Oki.....	E karimoa te Atua Sarah.....	68

Nobemb'a

Wiiki 45	06 Nob	E karimoa te Atua Abraham	69
Wiiki 46	13 Nob	E karimoa te Atua Zuki ao Pali.....	70
Wiiki 47	20 Nob	E karimoa te Atua Advent Press.....	71
Wiiki 48	27 Nob	A karimoa te Atua Joe ao Susan	74

Ritemb'a

Wiiki 49	04 Rit.....	A karimoa te Atua Junior ao Stephanie	75
Wiiki 50	11 Rit.....	E karimoa te Atua Fernando.....	76
Wiiki 51	18 Rit.....	Ngke ko karimoa te Atua	77
Wiiki 52	25 Rit.....	Ngke E karimoako te Atua	78

NOTES



Review & Herald®
PUBLISHING ASSOCIATION